





15
16
17
18
19
20
21
22
23
24
25
26
27
28
29
30
31
32
33
34
35
36
37
38
39
40
41
42
43
44

492
5723
33
古492-30
572.1
部-14







隸釋卷第十



太尉陳球碑 并陰

陳球後碑

童子逢盛碑 并陰

安平相孫根碑 并陰

涼州刺史魏元丕碑

司隸從事郭究碑

幽州刺史朱龜碑

外黃令高彪碑

太尉陳球碑

君諱球字伯真有虞氏之襲也當周盛德有虞遏父

為陶 下缺 公生公子完適齊為栢公公正其後強大遂

有齊土楚漢之 下缺 官生毛有令名廣漢太守公既慕

世業不隊前軌孝友祇穆下缺典誥微言雅頌情指憲

發綱統莫不守其條貫綜其倫理采下缺換東城門候

虔恭職司夙夜匪解遷繫陽令寬以下缺温而下缺不

遺跡邈而不下缺喪母去官服除辟司徒府拜侍御

史下缺陸梁荆揚州郡下缺弱莫能禁禦大尉楊秉舉公

下缺帥溪下缺二弱下缺三難下缺一而平詔書下缺五十萬州

下缺公發遣家屬辟下缺二難公誌下缺有言者斬乃悉下缺

人民老弱下缺共下缺三材為大弧下缺攻前下缺遇之弘眾

而遁全郡保下缺六拜子男下缺作大匠孝栢晏駕下缺四

躬親功下缺司空高玄表公為河南下缺惟明克下缺公下缺

遂作司空通導水泉稼畜繁旱陰陽下缺致仕賜榮而

退復拜永樂少府光下缺而不撓雖有周之申甫漢

仇之匡程下缺知公之明德其辭曰

於顯明德峻詰下缺二亶下缺卒度伊下缺

右漢故太尉陳公之碑篆額陳公名球下邳淮浦

人三剖郡符五入卿寺再為三公靈帝光和二年

卒本傳云球令繁陽郡守求賄不獲撓督邽令逐

之督邽不可曰魏郡十五城獨繁陽有異政乃止

桂陽賊李研陸梁荆郢州郡懦弱不能禁太尉楊
秉表為零陵守暮月而賊散州兵朱蓋反与桂陽
胡蘭轉攻零陵編木為城不可守備掾史白遣家
避難球怒曰復言者斬乃悉內吏人老弱与共城
守弦大木為弓相拒十餘日會救至賊破詔拜一
子為郎熹平元年為廷尉曹節欲別葬竇太后詔
公卿大會朝堂球忠憤奮發抗議不撓姦倖為之
退聽史載其事六百餘言光和二年為永樂少府
与司徒劉郃謀誅宦官事泄下獄死史載其事又

三百餘言大凡碑碣率与史傳抵牾球之二碑獨
繁陽事迹不全所書零陵平賊事雖石破文缺其
存者皆与傳合至廷尉永樂時則一辞不措故熹
平之議究和之謀咸无焉殆有所畏而然也嗚呼
東漢閹寺之盛人主拱手君子喪氣然剛毅之士
寧接踵以赴死不詘身以媚竈故漢道雖日陵遲
无法度紀綱可以憑藉而能立國又百餘年者皆
義士忠臣之力也漢志洛陽城有中東門上東門
后碑亦作中東城門此碑云換東城門候殆省文

也左傳虞闕父為周陶正而此作過父陳敬仲至
齊為工正掌百工之官也而此作公正太尉橋公
而此作高皆借用也碑以隊為
墜畜為穡

陳球碑陰

故吏字缺九息缺故吏字缺二平恩字缺三祖早終息下權缺

故吏字缺二嚴字缺三五百故吏字缺六五百故吏字缺四允

明千故民繁缺嚴缺子夏二百故字缺三嚴追季祖

三百故民字缺二嚴缺李安二百故民字缺二許缺顯德

二百故民字缺五遷二百故吏字缺二吳憲元將千故吏

字缺二毛缺君缺五百故吏字缺二王缺子缺五百故吏

字缺四元起五百故字缺三侯高君舉五百故吏字缺二周

清文德五百故吏字缺二趙缺子興五百故吏字缺二岐

周子然五百故吏字缺二李忠世持二百故字缺三王茂

季盛千上公乘儀元表二千上趙下故吏繁下故吏

繁陽下故吏繁陽下故吏繁陽李下故吏繁陽李下

故民繁陽下故吏繁陽下故吏繁陽下張下故吏繁

陽字缺三公五百故吏繁陽下劉字缺三三百故吏繁陽下

字嚴三百故吏犁陽郭字缺二選五百故吏內黃馮三缺

字三百故吏內黃焦松字缺三二百故民庠仝李字缺三

千故吏庠仝王字缺三二百故吏陰安審配字缺二三百

故吏陰安缺訓字千故吏列人孟條字缺二二百

右陳球碑陰故吏故民凡四十人各有出錢之數

陳公兩碑書法皆不精此則遠過之球一為令三

為守繁陽既有異政復典其郡則惠露所霑為多

南陽零陵去下邳道遠故立碑皆魏郡之民吏惟

一孟條則鄰郡鉅鹿之人也此碑惟存穿之下橫

兩列餘皆剝落矣其前二行特書兩人之事与它

碑不同雖文字漫滅不見其全行之上皆云故吏

其中皆有息字次行息之上又有早終字蓋謂二

人者已卒所出緡錢則其子也碑以二人居右必

其府之元僚也水經云下邳陳球墓前有三碑是

弟子管寧華歆等造此碑所見皆故吏故民而無

管華姓名豈与劉寬碑相類其一則弟子所立乎

又姓苑載昞氏兄弟各分一姓曰昞春桂快字皆

九畫一音引漢太尉陳球碑陰有城陽昞橫此碑

亦不見之若非石損則恐是彼一碑也陳公兩碑

皆在淮陽莫適為先后趙氏但有一碑陰而水經
謂墓前有三碑似亦指碑陰為一也此碑有兩裂
文与前一碑全故附之其后碑以犁陽為黎陽

陳球後碑

君諱球字伯真廣漢太守之元子也蓋周存六代媯
滿繼虞建國于陳逖完沮齊實為陳氏公下父自營
州來宅海淮世航典籍兼通勤誨振裘褐即徵聘荅
宰司荷顯貢者繼世而傳焉至公下剏窻欲缺懿惠
和高明柔克甘味道藝強學博物凡墳素遺訓聖賢

立言掬精極微無

缺

不究

下

除郎中尚書苻節郎恒

陵園令換中東城門候選繁陽令養老長孤救災匡

困化惡以善擾送

以

下

幸厥澤鴻醇則百姓敬之如

神祇愛之如慈親矣暨于考績遭繼母憂禮紀向闕

群公爭招遂

下

拜侍御史爾時蠻

缺

賊胡蘭李研等

蜂聚蛾動剝落荆楊出師命將輒有奔北之困太尉

楊公嚴

下

曲陳為鷺為

缺

兵揚霆激暮月獻捷有

詔厚賜榮書歎述續遇畔兵朱蓋等建

下

三牧二守

零陵之宜初

缺

阻

缺

土地平夷編木為城舊有過窳

未嘗能亢盖等望下以為字二入便就館穀公慨然

抑留妻子以鎮民心擐甲登埤親帥吏士身當鋒下

圍城至乎旬有六日傷燭稍逸仍隨馘截威震南夷

功光王室詔拜子為郎下優字二勞事列字二遷魏

郡大守徵拜將佐大匠會孝栢皇帝崩實掌梓宮缺

事身安荼下南陽大守父病去官居家半季弘授廷

尉八議宴字二無奪民乃遷衛尉遂佐司空缺土二缺

字濟可黜否不缺盈致仕復拜廷尉進登大常三禮

咸字二時西戎不王選能字二朝下舉荒傷干戈斯

戢字三黜又拜永樂少府年六十有二光下和缺執法

三應苻守八佗卿字二任相缺慎在宰割字二茂思

樹缺為志下特立字三顧秉心茲隆天命弗缺嗚呼

哀哉缺是凡我困矇洒掃之下廓缺靈愍將缺稚泣

涕漣如惟缺不朽實在傳紀乃相字三勲績銘缺玄

石下缺字五臨萬國降茲缺耗爰佗民牧遠鎮南缺

近撫缺服芟字五凶字虐播恩下升大庶沛乎如川

礪缺猶嶽下休休之志天缺為之墮我梁下勿思是

用鑽勒永缺萬基

右漢故太尉陳公之碑篆額公既不得其死門人
或畏憚凶焰必不敢立石雙表也兩碑之前絕二
百字可讀其末則文字凋落如晨星相望豈其間
蓋有憤懣哀切之語後來益有所憇而別之乎漢
人隸法有所謂省文者如爵之為尉鶴之為雀是
也經傳多書蟻作蛾似亦是省文左傳蛾析戴記
蛾子時術列子未聚禽獸蟲蛾黃帝紀淳化鳥獸
蟲蛾元帝紀白蛾群飛蔽日長楊賦扶服蛾伏皆
讀蛾為蟻隸釋仲秋下旬碑有蛾附之句此云蜂

聚蛾動亦蟻省也

弘即引字

童子逢盛碑

童子諱盛字伯彌薄令之玄孫遂成君之曾孫安平
君之孫五官掾之長子也胎懷正氣生克自然拊育
孩嚶弱而能言至於垂髫智惠聰括過庭受試退誦
詩禮心開意審聞一知十書畫規矩制中園椀日就
月將學有緝熙才亞后囊當為師楷自天生授罔不
左初謂當功遂令儀令色整齊珪角立朝進仕究竟
人爵克啓厥後以彰明德脩嗣昭達何寤季世顯天

不惠伯彊涇行降此大戾年十有二歲在協給五月
乙巳啞喑不反友隕精晃苗而不秀命有愆戛無可
奈河慈父悼傷割哀回鯉其十二月丁酉而安措諸
永潛黃壚沒而不存於是門生東武孫理下密王升
等感愾三成一列同義故共刊石叙述才美以銘不
朽其辭曰
嘉慈伯彌天授其姿在克岐嶷聰敵敵達當遂瀕池
立號建基時非三代荷命無恒人生在世壽無金石
身潛名彰顯於後葉

光和四年四月五日丁卯立

右逢童之碑篆額在維州靈帝光和四年立童子
名盛年十二而天門人孫理等立此碑其文云才
亞后橐當為師楷甘羅曰項橐七歲為孔子師董
仲舒傳孟康以達巷黨人為頓橐趙廣漢傳鋸籟
之鋸音項碑以童子當為師楷故比之項橐后鋸
偏旁相類鋸有項音故借后為鋸又借鋸為項也
歲在未曰協洽史記亦作叶洽又作汁洽此作協
給亦借也漢碑雖有範字而楊著碑云喪茲師範

司空碑云納我鎔范与戴記范金合土荀子形范正金錫美之類正全椀与帆同音此云制中园椀

者又借椀為范而用园為模也

碑以椀為矩奈何激遙

迪為委地智即智字
啓即啟字蚕即蚤字

逢盛碑陰

五官掾崔孟祖五官掾吕仲謙督邾矧敬賓督邾周

便祖督邾梁懷則督邾司文尉盛督邾矧后升

右縣中士大夫

高密涂承興祖平壽孫嘉世賓下密王升高缺琅邪

東武孫理子義

右家門生

刁真解子逢信伯臺

右逢盛碑陰矧后升已右曰縣中士大夫者其父

黨也故不名刁真逢信在家門生之左又其微者

司馬相如云烏獲逢蒙之技王褒去逢門子彎烏

号菴文志亦作逢門即逢蒙也古今人表有逢於

何數人陽朔中有太僕逢信左傳有逢伯陵逢丑

父東漢有逢萌編古命氏逢絲為趙王傅莊子羿

逢蒙不能睥睨淮南子重以逢蒙門子之巧皆作
 逢迎之逢龜策傳羿名善射不如雄渠蠡門注引
 七略有蠡門射法則劉褚又借蠡為逢也至孟子
 則云逢蒙學射於羿楊子羿逢蒙分其弓后之言
 姓者始皆作逢石刻有漢故博士趙傳逢府君神
 道逢童之碑其篆文皆从逢魏元丕碑有逢牧孔
 宙碑陰有逢祈此有逢信亦不書作逢子謂漢儒
 尚借蠡為逢則恐諸逢當讀為鼉鼓逢逢之逢爾

安平相孫根碑

府君諱根字元石司空公之伯子樂安太守之兄子
 漢陽太守侍御史之兄乘氏令之考厥先出自有殷
 玄商之系子湯之苗至于東曰大匡戡仁聖武定周
 封干之墓脩裔分析避地匿軌姓曰孫為字缺四各以
 文憲將相諸國君其胄也於君權輿發基有幾受性
 明叡聞一知十誦詩習籍研綜其真講字缺三童冠曰
 營發憤臨川敦誨不倦節操愷慨懿毅仲行東臚立
 朝政事敏通心小志大日宵在公字缺四琦其分缺式
 叙左位極驥之路察孝抱疚中司乃就匡鼎以忠三

事歸稱遷鄆長興吏所好去

字缺四

與有成遷雍奴令

先施博愛威而不猛換元氏考城令以塞延圻後我

之望圻甫考績聖朝簡

字缺四

議大夫升降闔闔天子

是裨謹言未列遭公夫人憂憔悴消形齒不見口服

闕徵拜議郎謁者

字缺四

濟濟沔塞不撓遷荊州刺史

蠢爾獫狁

缺

手稽顙德澤深証速於置却聖上貪

暱徵拜議郎御

字缺四

坐無雙輔弼唐虞上稽

缺古功

紀宗繇無善不章還安平相遵脩前列五教

缺訪赫

赫之譽旭

字缺四

溫之仁以寧土疆求已不媚以疾去

官闔門守家不競時榮養育孤穉以保壽年上乾弗

祐獲疾固

字缺三

七十有一以光和四年十二月乙巳

卒嗚呼有哀孝嗣夙夜不舍嚴父孝孫臨殯禮服承

後切坦有感

缺

惟古聖孔子喪鯉羸縮有命不可增

損於是握粟卜葬中垵

冠缺

奔卦充灑塞庭同胞惻

愴涕淚交零呱呱豎子號咷共聲故吏門生邦人咸

曰令問弗銘

缺

勒孰覩孰聞乃立石碑昭名不朽其

辭曰

皇矣府君含德厚純恢廓術藝以道莅民行行義勇

無猾不儻抑抑珪質光容有暉綏強以字缺二弱以仁

罰惡以威賞善 思仲伯撰亂蒸足譎權 巖恪色 正不犯子養 珉化与産 配哉九域 相波大國

東管儉不損晏宣慈惠和柔不可詘桓桓烈烈剛不可

折字缺三城字缺四其字缺四父字缺三衽子孫字缺不字缺

右漢故安平相孫府君之碑隸額在密州孫君名

根嘗為諫大夫議郎謁者出宰四邑刺荊州相安

平以靈帝光和四年卒司空者名郎永壽中自太

常為三公姓氏書未嘗以孫氏為比干之后碑云

至于東曰大虐戕仁聖武定周封干之墓說文音

口為喧按班孟堅幽通賦云東以虐而殲仁注云

以古鄰字謂紂也仁即三仁也碑中之語蓋出於

此則是以口為以以戕為殲或為戕也以干墓在

衛州汲縣其俗立三仁像併商紂謂之四王廟以

四月四日為比干誕日承平時祠具甚盛雖千古

尊仰英風敬事不懈沒而有靈必不与獨夫共此

血食也廟有後魏孝文帛比干文唐太宗賜以干

詔兩石刻魏之文云鬼侯已醢子不見與邢侯已

脯子不聞與微子去矣子不知與箕子奴矣子不

覺與何其輕生一至斯與何其愛義勇若歸與又云靈名傳於千載詎何勲之可揚奚若騰魂以遠逝飛足而歸昌得比肩於尚父卒同協於周王哀傷頓挫其詞甚多魏主羶裘之裔也乃能遐想忠魂駐輪注弔互其禮賢納諫治道浸興魏鄭公願為良臣一碑尚猶仆之雖封干刺詔視拓跋有慙德矣此碑體豐而勢逸字法與漢代它碑絕不類唯華山亭一碑差相近爾唐韓擇木史惟則輩蓋得此筆意今之言漢字者則謂之隸言唐字者則

謂之分殆不知在秦漢時分隸已兼有之唐張懷瓘書斷云蔡邕八分入神隸入妙又云張昶八分碑在華陰今華山所存漢碑凡四華亭一碑乃昶分書也又云八分者秦羽人上谷王次仲所作始皇時官務稍多得次仲文簡略赴急速之用甚喜遣使三召不至漢和帝時賈魴用隸字寫三倉隸法由滋而廣蓋八分為小篆之捷隸又八分之捷其贊八分則曰龍騰席踞兮勢非一交戟橫戈兮氣雄逸其贊隸則曰摧鋒劍折落點星垂詳其說

而察其字則孫根及華亭碑為漢人八分无疑矣
唐人自稱八分蓋有自來考古博雅之士更為辯

之

闔讀為閭儼讀為賓皆甄臯鼎彝教赫域字

孫根碑陰

中軍督孫玄象孫彦龍大中孫孝考舍人孫延祐博
昌領校孫林淵孫九原大中孫始中大中孫長玄舍
人孫長聲舍人孫長陵中郎孫休聲大中孫子固五
官掾孫真伯五官掾孫稱仁舍人孫元會中郎孫長
宰舍人孫玄固大中孫倫伯大中孫遺緒陽豐長孫

長升郎中孫長恂大中孫玄秋舍人孫登文舍人孫
方聲舍人孫孟初中郎孫紹世計史孫穆元孫孟昭
駙馬都尉孫孟陵計史孫元俊孫元威大中孫叔元
孫仲俊孫士應舍人孫巨先計掾孫朝鳳督郵孫長
威孫彦威大末尉孫仲春孫士威孫威弘孫令輿孫
玄虎孫應陽孫仲有孫休仁孫伯譽孫世治孫宗嗣
孫延熙孫來舒孫義伯孫子雲益缺領校孫夷叔孫
延嗣中郎孫稗承孫元中孫稚始孫時祖孫道安孫
林夏孫祖房孫世群孫玄通孫林舒孫方冕孫休明

字缺二領校終利士楊孫望之大中王延祖孫宣瑜孫

令機中郎孫長同孫承初缺世龍孫長應終利延世

孫俊延終利茂真孫長春終利道機駙馬都尉王應

明閔世玄孫震光孫士俊孫世祖孫玄祚舍人王仲

基孫長元王延夏孫林元劉俊文孫士基劉孟真孫

林衡閭邱長龍孫玄寢萬君翁孫初基孔季缺孫上

英孔世俊孫缺栢涂士英孫字缺二浩景同督郵孫徵

時孫斑梁王弘春劉彥缺孫武龍大中王字缺二孫慶

高郎中字缺二臺孫長芝缺洪度祭酒孫士中舍人間

正長世孫公儀孫缺周孫景秋孫世尼孫林祖孫祖

林孫孟祖孫林季孫叔祖孫列秋孫武秋孫延基孫

世治孫景安孫道文孫休英孫萬春孫祖倫舍人孫

稚龍孫泰斌孫道開孫士昭孫斌初孫道寧孫長里

孫元春孫雄真孫元安孫龍舒孫伯康孫仲豐孫二缺

字孫弘柵孫乾泰孫宣明孫黃伯孫祖玄孫公威孫

泰夏孫休祖孫平叔孫林夏孫君冲孫威明孫泰遠

孫君雅孫君治孫絃藐孫泰雲孫道倫孫泰真孫子

長孫泰冲孫威平孫弘奉孫次昌孫元齊大中孫長

明孫 發大中孫延宗孫欽伯大中孫延武孫萬應
 孫寧將孫令元孫偉範孫宣祖舍人孫偉明孫道林
 孫龍威孫長平孫武祚缺二領校盧字缺二五官掾孫
 彛仲大中王彥康孫平舒舍人王彥祖孫義叔王延
 林孫承舒王顯祖孫伯智孫祖仲孫士栢孫玄寶計
 史孫孟本孫大石孫士和孫洪基孫延威孫陽治孫
 祖初孫陽季舍人孫玄發孫列缺孫世固孫稚權孫
 暉中孫泰權孫玄治孫道澂孫元祖孫惠儒孫武胄
 孫泰真孫初平孫頤期孫玄寵孫尚忠舍人孫德林

孫威御孫惠明孫缺公孫令明孫缺元孫穆恭孫景
 威孫定表孫景雲孫方倫孫弘缺孫彦伯孫景缺孫
 長舒舍人孫缺應孫缺元

右孫根碑陰可辯者凡二百四十四人異姓纔十
 之一爾有嘗仕縣邑者則陽豐長太末尉是也其
 稱駙馬都尉祭酒舍人中郎五官掾督郵計史計
 掾則漢官也有博昌領校等數人張納碑亦有領
 校安漢長樊敏稱領校巴郡太守蓋是未命於朝
 者其中軍督則非漢官甚明又有大中十四人陳

勝傳以朱房為中正兩漢无之魏陳群始擇州之
有鑒裁者為中正晉宣帝加置大中正故有大小
中正乃是晉官當時省其正字此碑字畫苟且尚
不及魏末諸刻殆類吳晉間下品書札爾似是孫
根后裔衆多謹其名於上世之碑陰也異姓有王
劉數人雜其間豈其姻戚乎

涼州刺史魏元丕碑

君諱

缺

字元丕京北

缺

牙都尉出

缺

有畢萬者僂去

仕晉逢勛封魏秦

缺

良爰暨于君臬軋氣出純懿履

輜奚出

缺

聖詰

缺

苞容允執虔恭其仕州郡也躬

素忠蹇犯而勿欺兼綜憲法通識百典

缺

孝廉除郎

中尚書侍郎右丞遭泰夫人憂服闋還臺拜尚書侍

郎秉總

缺

廷科績特拜左丞每左選舉遜讓匪石鑽

前忽後遂耽思舊章尋微貫

缺

能

缺

樞衡匡弼九年

而岡衍西羗放動餘類未輯訓咨群寮惟德是與拜

涼州刺史

缺

流呂盪耶志樂季文粟帛出公儀徹

織庖園出節崇文德

呂來遠

班

缺

下

纛戎賓服干戈

戢藏施舍弗券求善不戢舉不失選官不易方百工

惟時下缺有優洋洋矣乎若德光耀冠乎諸牧蓋四時

出序功成則還君屢辭曰疾三下缺無廟而筮式度不

可革幣芾其繼而眉者不往温疾來升春秋缺十光

和四下缺民失慈父四海中內莫匪摧傷於是故吏茂

木雲中太守漢陽缺曹從事下缺威較琰等不遠萬里

斷制襃裳感恩奔哀乃與門生平原曹歙等缺山缺

石下缺

於戲使君既膺深德貢躡帝宇入叅文昌出化西土

仁義充衍澤洽下缺德世記其軌辭疾輕居棄榮潛處

不卒苻宿究是台輔三方共下缺黯下缺沮落不留舜

禹二書下缺應臻于巳丑辰五盈虧猶有代序下缺茲后

土光耀下缺

尚書令弘農宜陽周嘉彥英故并州刺史伯柳彦高

故豫州刺史朱虛昺襄公遷故東萊太守梁國碭陳

三缺字樂浪太守劇騰馬述元才議郎河南鞏王暹元胤

海陽令逢牧左伯二缺字令沛國缺周龍翁興齊下缺簿

令劇皇脩恭義膠東令東萊黃缺仲真尚書郎番尋

上缺故廣宗長淳于孫典禮缺故孝廉劇嚴缺景

缺故字缺三部司缺河南張循字缺二

右漢故涼州刺史魏君之碑篆額碑損其名有其字曰元丕在朝為郎中尚書侍郎左右丞出刺涼州以靈帝光和四年卒故吏雲中守門生曹君共立此碑碑有京兆牙都尉五字而缺其一蓋安帝所置虎牙都尉也范蔚宗避其父諱後漢書無秦字郭林宗鄭公葉之名皆易之漢人書碑廟號如太宗官名如太尉太常太守太中地名如太原太原之類皆作大泰山亦作大此碑載魏君之母却

作泰夫人其用字故相反如此其間弗倦作弗卷夷戎作彛戎它碑所未嘗用者又以訓咨羣奈為疇咨羣察幣芾其

綴為蔽芾其蹤彛即彛字

司隸從事郭究碑

君諱究字長全汲人也其先出自郭林應運挺度寔有懿德文武諮焉條枝雲疏班缺華夏世載令問昭前之光咸據玄謨利物佐時君則元城君之孫雒陽君之適南和尚書濟北軍中臨沂徐州中山君之從子也河岳降祚多而有跲孝弟恭肅與性俱成溫慈

惠和覩義輕財懷刑拜謹舍已從人蹈中庸之路處
 匹直之節內省不疚兼姿缺問物格能缺臨疑弗惑
 弱冠踐郡歷主簿督郵又官掾功曹守令長舍章吐
 忠或從王事嚴恡莊字可恐果順可愛進善替否所舉
 見則雖趙武之佐晉宋甫之痛色擦壽撰功君其越
 諸辟司隸從事部郡都官耽耽鷹揚所莅以齊翕然
 之論風飛川流本朝察孝貢器帝庭恬榮忽浮委爵
 禮讓群公側席書垂置郵不牽掣衽命登六辰春秋
 廿八而卒中平元年歲在甲子三月而葬悲夫破鎮

鄒之刃而不宰元摧晨風之翼而不厲天者姪士女

鳴悵惟慼感字孤嗣叫號涕零如雨咸曰缺晨有歿歷

數猶終自古迄茲孰能保存生榮死哀亦貴遺稱敢

慕衛悝讚先之義乃伐石興碑以旌厥魂俾後永有

鑑焉其辭曰

於爍我君皇精蒞良昭德塞違克紀克綱握柅綜缺

規步履方麟跼清朝委蛇自公棟隆千里庶績艾康

佐命牧伯扶義遏私缺繩彈枉屬以改缺榮名京邑

膝栢知幾當享爵壽任漢輔毗靈祇貪哀逝葉翼徽

詰人其祖萬夫慘懼銘勲金石以慰孔衷

右漢故司隸從事郭君碑篆額在河陽郭君名究
仕郡諸曹史辟司隸從事年二十八而卒靈帝中
平元年葬碑歷叙其諸父與郭仲奇碑同惟竹邑
侯相此云南和蓋互舉之也竹邑者侯國屬沛南
和者鉅鹿之邑漢列侯大者食縣置相一人其秩
各如本縣主治民如今長爾號叔見於周書左傳
皆然獨公羊以虞號為虞郭後之言姓者稽焉此
碑遂以號叔為郭叔也郭君盛年短祚作碑者哀

傷之謂鏌鋹破刃晨風摧翼可也何至以辰象沒

歷數終為比乎

碑以邢為刑姪為
耆孳為鏌惟為摧

幽州刺史朱龜碑

君諱龜字伯靈廣陵太守之孫昆陽令之元子也君

系祖考之鴻軌履大和之

字缺三

垂載德不隕

字缺二

仁

義成於束脩孝弟相其本性然而虛已下士勞謙克

字缺五

厚載多容察孝廉除郎中尚書侍郎且將事去

官三府更辟且大尉高第

字缺五

堂之論建弘遠之議

礫落煥炳臨疑獨逝故能光明越聞顯於區夏英聲

字缺五 公族于時益州蠻夷侵殺邊鄙陸梁山野為害

日甚朝廷君文能字缺二武不字缺三御史中丞討波

亂略君統整群帥方謀並設威神庭電燭于上下至

字缺二 郡字缺四授手乞降永昌太守曹鸞上字缺解黨君

不糾擿獲戾音靡潛于字缺巷群字缺六辟輒君疾辭鮮

卑數犯鄣塞僉復舉君拜幽州刺史爾乃邁種字缺九

禁呂糾姦宄養諱繇時雨之澍品物除惡如農夫之

務去草逼字缺九其曷土門衛弛柝而無怵惕百姓不

復屯其城鄔出塞追殺字缺十咨歎策字策詔并涼君

為武命不少延年六十四君光和六年字缺十故吏牟

化等僉君為夫有嘉功祀而不輟或銘鍾鼎書字缺是

述字缺九已乃立碑常而佗頌白星精壹緼馮儀詒人

我君受之膺其淑真研綜蕪藝實好斯文字缺九困激

馨名懿允升蠢爾夷貉蕩我邊氓銜命替使武氣飗

騰董君字缺八幽方平濟天常撫君仁德渙若風翔分

命部隊出竟觀兵字缺禽遠驅字缺七甲綏我土曷降乖

不永匱民之望烈烈遺勛景炎彌光

右漢故幽州刺史朱君之碑篆額有陰在亳州朱

君名龜石有碎落不能詳其官閱其可考者嘗以
 御史中丞督捕益州蠻又為幽州刺史禦鮮卑爾
 靈帝光和六年卒水經云故吏別駕從事史石北
 平無終牟化中平二年造碑碑陰故吏姓名悉薊
 涿及上谷北平人後漢帝紀熹平五年四月益州
 夷叛太守李顥討平之五月永昌太守曹鸞坐訟
 黨人棄市門生故吏在位者皆免官禁錮西南夷
 傳云蜀郡諸夷反執太守雍陟遣御史中丞朱龜
 討之不能尅李顥發板楯蠻平之碑所載與紀傳

合趙氏謂碑云授手乞降非實錄也予謂碑中初

無斬首獻俘策勲受賞之語但云乞降未嘗受降

何害於理乎

碑以磔落為磊落庭電為霆
電壹緼為網緼罔即播字

外黃令高彪碑

上缺十
四字

師求仁無遠

缺六
字

師事

缺二
字

尉汝南許公

缺

左精橫書

缺十
字

敏達義理恢廓天地之道

缺二
字

王公

之事令問

缺

章為數者宗哀積篇藉萬

缺四
字

明於左

氏栢帝時上立博亦章文襜袍類乎班賈京曼碩儒

海內儁彥靡不擬

缺

於是郡請州

缺二
字

栢不就至丐

數四蕝勢利之權庶幾乎仁義之道

字缺二

孝廉

字缺二

徵行缺病缺就字缺四

被朱衣缺

步三署恬虛守約五

十以數弘農楊公為光祿勳乃

缺

表君

字缺二

取

字缺四

觀蹕号

字缺二

所著斐然邈号難迨超等出群遷外黃

令聖朝宗虔特加禮饋

缺以缺

刀祖錢三萬

字缺七

詠

到官

缺

古譏今奢煩形不妄濫恩如皓春獄獄生少

邦無怨聲百工

字缺二

咸列厥所中和之化洞号皇亞

三單啗莫與比縱州郡表政棐稱紀功疉當臨典為

牧為守人鬼之謀俟期朝莫君舉將潁川大守南陽

文府君徵詣廷尉君感綱紀捐官卦義吏民攀車解

銜脫軌遂志確然終不反顧皇行載驅不日係路飢

不及滄至以生疾光和七季龍在困敦月次躔火六

月丙申卒邦喪楨幹家共攬梁遼黨感慟凡百切傷

櫬枢旋歸故吏門生奔送相迺盈道充涂如雲如

字缺二

旋翩翩靡不哀惟痛号隕歿不待耆耄昭德号銘

其辭曰

光光高君命垂作蕃流化外黃貧管藿檀當

州尹

缺理陰陽

字缺二

申甫稽功猗衡薦禮崇義忽於官榮

字缺逝將節行邈然何天助順而不祐焉邁病不永

朝共鯁臣孤嗣缺絕潛缺無聲百遼歎傷聖朝愍愴

字缺二令德亡有神魂身歿名紀闡于萬祀

惟中平二年龍旂奮若月次星紀郡守廬江龍舒范

府君假公侯之尊來典鄙邦慎終追遠惟舊思下缺

右故外黃高君碑隸額凡兩行石已損疑其上當

有漢令二字紹興中吳郡取土於郭外而得之今

碑在郡齋高君舉孝廉步三署令外黃受經於汝

南許公受知於光祿勳楊公其舉將潁川人守文

君詣廷尉遂指官以赴之道病而卒碑之所載頗

詳獨其名字皆剝缺不可考碑云光和七年龍在

困敦月次鶉火六日丙申卒蓋靈帝甲子年六月

也是歲十二月改元中平又云中平二年龍旂奮

若月次星紀龍舒范君來典鄙邦即乙丑十一月

也乃是述立碑之事文苑傳有高彪字義方吳郡


無錫人傳云彪為諸生遊太學有雅才而訥於言

郡舉孝廉試經第一除郎中校書東觀數奏賦頌


奇文因事諷諫靈帝異之第五永使督幽州百官

祖餞於長樂觀皆賦詩彪獨作箴蔡邕等美其文
 以為莫尚也後遷內黃令帝勅同僚臨送祖於上
 東門詔東觀畫像以勸學者彪到官有德政病卒
 詳史之所書甚與碑合家無錫而葬姑蘇蓋不遠
 也則知此乃高彪之碑無疑但傳以外黃作內黃
 一字之誤爾東都五經博士春秋惟有嚴顏皆傳
 公羊者建武中因韓歆陳元之請嘗以李封為左
 氏博士辟儒數廷爭遂廢其官高君復上章於威
 宗時蓋亦不行其言說書者以阿衡為倚平正義

曰古人讀阿倚同音故以阿為倚此銘以猗衡對
 申甫若取音同則是借猗作伊若以偏旁假借則
 倚阿皆與猗相近也碑以檐為瞻形為刑縱為蹤
 適為寮潛為潛適即達字夏
即夏字猗即犴字猗即俟
 字鯨即鶉字適即隨字



隸釋卷第十



隸釋卷第十一

太尉劉寬碑

劉寬後碑

小黃門譙敏碑

圉令趙君碑

巴郡太守樊敏碑

益州太守高頤碑

綏民校尉熊君碑

梁相費汎碑

高陽令楊著碑

光祿勳劉曜碑

太尉劉寬碑

公諱寬字文饒弘農華陰人也其先字缺二

聖漢王侯繼次有國有號列存家序公之考乃佐司

徒輔毗安順勲載二葉公託受純和之氣缺有樂道

寧儉之性疾雕飾尚樸素輕榮利重謙讓多與同好

鑄墳典於第廬是呂相經緯綜精微誨童冠而不倦

佇浮雲之志三公莫能致之大將軍呂禮脅命舉高

第拜侍御史遷梁令缺康踰產豹喪舊君呂棄官

遵洙泗之業有悔仕思初之計三府竝招博士徵皆

辭疾不就司隸缺茂林大尉舉有道公車徵拜議郎

司徒長史入登侍中宣美顧問延熹八年地震有詔

詢異公呂演蒞沉漸對當帝心轉拜尚書齊密機喉

丞命惟允遷東海相呂德興化澤臻民物復遷南陽

太守壹行質省簡易之教推貞諒呂示下顯衆善呂

厲谷惻隱之誠通乎神人故能去鞭拊如獲其情弗

用刑如弭其姦帝初即位開學稽古訓咨儒林僉曰

公優徵拜大中大夫納用勸講復拜侍中屯騎校尉

宗正光祿勳遂授大尉悉謨百揆四門之職懷夫三

事和昭鼎實功成則選固疾遜位拜光祿大夫遷衛

尉復任大尉每執臆栢成則三讓呂交會缺精引咎

折躬朝克忠謹思其良猶即名里巷拜求樂少府光

祿勳先是時也狂寇張角字缺二妖逞公叩觀見像上

過其源未還誅討亂佗不旋帝乃追寶先謀錫之士

田封遠鄉侯食邑六百户年六十有中平二年二

月丁卯薨

天子閔悼惻怛內發手筆為蕭缺涕咨嗟使右中郎

將張良持節臨弔贈車騎將軍印綬位特進賜瑤賵

祿有加典禮復使丞官中郎將何夔持節謚曰昭烈

侯夏四月庚戌葬公卿百寮縉紳之徒其會如雲可

謂其存也榮其亡也哀者焉於是故吏李謙等有感

段魯述德之頌曰為洪懿休甫宜著鞶躬故雜論攸

行紀其大略鐫石立碑其辭曰

於穆顯融惟予公侯纘我前烈克明厥緒熙精恬默

潜庸庶昭德曰莅政俾民是缺其樂伊何匪誘匪威

允平禮讓實化玄為入缺誨保訓導萬機任鎮上司

御勸不迷温温其恭缺尹寔稂稊其苞羣儒寔師

弈弈其容隅裔缺刊昭萬祀孰嗣厥徽

右漢故太尉車騎將軍特進遠鄉昭烈侯劉公之

碑篆額有陰劉公名寬其父崎為順帝司徒寬事

靈帝兩為太尉通四載以中平二年卒故吏李謙等立此碑又有門生一碑皆在洛陽上東門外兩碑遣文頗相犯字畫又不相遠所叙歷官行事多與本傳合其不同者碑云延熹八年地震有詔詢異自侍中轉拜尚書遷東海相南陽太守後碑亦同傳則云為司徒長史京師地震特見詢問再遷出為東海相延熹八年召拜尚書令遷南陽守碑以對地震拜尚書在八年傳則以問地震相東海在前而八年所拜乃尚書令按帝紀延熹八年九月丁未京師地震傳之誤也寬之初罷相傳云以日食策免此云固疾遜位後碑云寢疾遜位蓋東都雖以災異去三公亦示體貌使之稱疾也及再罷相傳云以日變免兩碑至此俱有關文此云引咎折躬後碑云獨引其咎文婉而事章是皆不復飾詞以誣天下後世也

劉寬後碑

上缺
四缺
文饒弘農華陰人也厥祖出自
臣王侯相繼遭漢中微共其爵土

世祖復阼仍有顯位光輔王室公之考佐司徒于安

字缺三勲績昭乎前朝公吕嵩高之門好謙儉之操备

衣糲食涉履寒苦周覽五經汜蕙尚書字缺三微潜隱

講誨世之榮利不滑其守州郡禮招王公竝辟皆不

訕志大將軍辟舉缺第拜字缺三遷梁令喪舊君去官

博士徵三府辟皆又不到司隸校尉察茂材大尉三缺

字有道徵字缺五長史侍中延熹八年地震為異聖朝

咨問公吕對蒲嘉黨克馭帝心引拜尚書出字缺五謚

静雖龍左納言山甫喉舌霖吕尚焉遷東海相南陽

太守公之缺性也采而能字缺五弘裕凱弟霖競伊人

及其涖官統政推是心也吕御萬事故缺民見德義

而興行字缺五讓而不爭政不肅而威宣教不舒而德

洽帝将入學選定講字缺三舉公宜叅誨字缺五拜大中

大夫勸講于華光之内遷侍中毛騎校尉宗正光祿

勲大尉股肱元首宣字缺五臣工允勅帝載粵熹寢疾

遜位復拜光祿大夫衛尉大尉字缺二交會獨引其咎

字缺五拜永樂少府光祿勲先是時妖民張角造為耶

孽遂節有萌公字缺四聞罪誅未字缺五用首謀先覩封

還鄉侯食邑六百戶春秋六十有六呂中平^缺年^缺

月丁卯薨^{字缺六}張良錫蕭嘆悼贈呂車騎將軍印綬

位特進贈遜珍斂^缺備^缺禮有加復遣五^{字缺七}曰昭烈

侯詔蕭休命宜宣黻窮庸器銘勒若古有訓門生郭

異等^缺公永慕^{字缺七}緋繅呂慰懷洵涕述高廼共刊

石建碑式序鴻烈其辭曰

^上八^{字缺}祗慕祖武允迪不道厥卒如何耽此篋謨用^缺

聖主納諸軌度統^缺三事^{字缺九}行雨帑海隅緝熙群

生賴衽降命卒融民^缺悠慕生榮亾哀厥聲載路

門生穎川殷苞京地^{字缺二}河內李照等共所興立

右劉寬後碑亦有陰門生商苞等所立比前碑字

頗淪碎寬之考在安帝時為九卿本紀云永建四

年十二月宗正劉崎為司徒陽嘉三年十一月免

傳云順帝時為司徒是也前碑云公之考乃作司

徒輔毗安順勲載二葉以其為卿相於兩朝故云

輔毗安順勲載二葉可也此碑雖文有剝缺然其

文云公之考作司徒于安則司徒不可作絕句謂

作司徒于安不可也但碑無全文難以深摛其失

小黃門譙敏碑

君諱敏字漢達鄴君之中子章君之弟郎中君之昆也其先故國師譙贛深明筭隲識錄圖緯能精徹天意傳道與京君明君承厥後不忝其美多而好學才略聰睿詩書是綜言合雅謨慮中聖權既休在公忠允薦誠呂直佐主帥下惟約肅將丕命振之亏外群寮有司各敬爾儀君商時度世引已倍權守靜微穴韜光韞玉呂遠悔咎耻與鄰人羸竝拾驅識真之本謂君為喆左管甯武當亨南山難老之禱昊天不惠降茲殉疾年五十有七呂中平二年三月九日戊寅卒嗚呼哀哉國喪良佐家隕棟梁遐邇咨悼杰女哀懷寮朋親感莫不共聲泣涕雙流於是立表寫憤斯銘傳于罔極其辭曰

於穆使君盛德昭明爰惟懿業帥由舊章文武彬彀柔而能剛屈道從政令名顯揚臣多醜直是用遜讓且呂毓姿優遊字缺一京昌僖邁罹景命不長屋棟頽覆君字缺一喪亾如何如何吁嗟昊蒼身退名存永世遺芳中平四年七月廿八日癸卯造

右漢故小黃門譙君之碑篆額在冀州譙君名敏
 靈帝中平二年卒又二年立此碑歐陽公云其文
 不甚磨滅而予之所得惟三字不能辨碑中並無
 爵秩所謂鄴君章君郎中君又不類宦者官稱非
 題額則不知敏之為黃門也其文盛稱敏倍權守
 靜韜光韞玉雖銘墓之言不可盡信方中官用事
 之際敏不附麗同類年垂耳順而宦簿不進恐是
 特然不群者又云耻與鄰人羸竝拾驅說文羸音
 剡羊相厠也一云傍入曰羸拾音洽劔押也此句

蓋是不與群闔冠劍並驅之意漢人書姓雖亦借
 用如橋喬伍五之類甚多此碑以焦贛為譙所謂
 京君明即京房也左傳楚師伐陳取焦夷注謂焦
 今譙縣若是則焦譙可以通用漢碑多借意作億
 此云曷億溝懼却是借億作意也亨讀曰享

圍令趙君碑

君諱缺字缺建缺四慕脩其緒温良恭儉敦詩缺六

積而能散菲薄其身博施缺八芬芳暘于諸夏郡仍

優署五官掾功曹州辟從事司徒楊公辟以兄憂不

至其後司徒袁公仍辟

字缺二

除新

缺

長遷園令播德

二城風曜穆清當

字缺八

會被疾去官年六十有八以

中平五年冬十一月壬寅卒

缺十

斯詠

缺十

紀伐以

必後昆其辭白天寔高唯聖同戲我君羨其縱體弘

仁蹈中庸所臨歷有休功追景行亦難雙刊金石示

萬邦

初平元年十二月廿八日立

右漢故園令趙君之碑隸額名字俱缺趙君所歷

二邑其一惟存新字而滅其下文其卒以靈帝中

平五年又二年獻帝初平元年立此碑趙君先為

司徒楊公所辟後為司徒袁公所辟洪農楊氏汝

陽袁氏為司徒者皆三人陳國袁氏一人此蓋靈

帝時事熹平五年十月司徒袁隗罷十一月楊賜

為司徒六年十二月楊賜免光和元年二月袁滂

為司徒此碑先楊而後袁則楊賜袁滂也兩相或

輓之或推之不過一縣令吹噓而上九天良不易

云

碑亦以縱為蹤

巴郡太守樊敏碑

君諱敏字升達肇祖廆遺苗后稷為堯種樹舍潛
于岐天頤曹甫乃萌昌發周室衰微霸伯匡弼晉為
韓魏魯分為揚充曜封色廩土河東樹漢之際或居
于樹或集于梁君續其緒攀南西壘濱近聖禹飲汝
茹汭鯀角好學治春秋嚴氏經貫宓字究道度無文不
睹於是國君備禮招請濯冕題鼎傑立忠塞有夷史
之直卓密之風鄉黨見歸察孝除郎永昌長史遷宥
渠令布化三載遭離母憂五五斷仁大將軍辟光
和之中京師復穰雄狐綏綏冠履同囊投棧長驅畢志

枕企國復重察辭病不就再奉朝娉十辟外臺常為

治中諸部從事舉直錯枉譚思舊制彈饕餮糾貪務鉏

民穢患苦政俗喜怒任津案罪殺字殺人不顧倡儼告

子屬孫散若此者不入墓門州里僉然號曰吏師季

在丕祥米巫凶瘡續蠶青羌姦狡並起陋附者眾君

執一心賴無洿恥復辟司徒道隔不往牧伯劉公二

在欽重表授巴郡後漢中秋老乞字乞身以助義都尉

養疾閭里又行衰義校尉君仕不為人祿不為己栢

栢大度體蹈箕首當窮台緄松倚協軌八十有四歲

左汁洽紀驗期臻奄芻減形凡百咸痛士女涕泠臣
子褒術刊勒銘其辭曰

於戲与考經德炳明勞謙損益耽古儉清立朝正色
能無撓頹威恩御下持滿億盈所歷見慕遺歌景形
書載俊义股肱幹楨有物有則模楷後生宜叅鼎鉉
稽建皇靈王路阪險鬼方不庭恒戢節足輕寵賤榮
故缺大選而捐陪臣晏嬰叩殿留侯距齊非辭福也
乃辟禍兮

亂曰演元垂

缺

岳瀆

字缺

一兮金精大佐寔生賢兮

缺

欲救民德彌大兮遭偶陽九百六會兮當缺遐季今
遂逝兮歎嗟懷哉魂神缺兮

建安十季三月上旬造石工劉盛息操書

右漢故領校巴郡太守樊府君碑篆額今在黎州
樊君名敏屢為公府所辟有甯武之智肥遯不出
嘗表巴郡以哀義校尉養疾閭里碑云八十有四
歲在汁洽盖獻帝建安八年癸未歲也卒後二年
立此碑碑云牧伯劉公二世欽重表授巴郡後漢
中其額以領校巴郡太守稱之者朝無成命也後

漢中者亦嘗再表此郡也二劉謂焉與璋也强藩
擅命智者見幾而作所謂捐陪臣者不食二劉之
粟也帝紀中平元年春鉅鹿人張角反其秋巴郡
妖巫張脩反注云脩療病愈者出米五斗號為五
斗米師劉焉傳張陵作符書以惑百姓受道者出
米五斗謂之米賊陵傳子衡衡傳子魯魯與張脩
掩殺漢中守雄於巴漢注引典略云張脩為太平
道張角為五斗米道數說雖小異同蓋諸張皆有
妖術總是米巫惟張角不曾犯蜀此云米巫凶虐

姦狡並起謂脩魯也中平五年益州黃巾馬相攻
破州郡自稱天子是時蜀人必有淪於偽命者此
云君執一心賴無滂恥謂此也碑云遭離母憂五
五斷仁與費鳳碑菲五五同義謂二十五月也投
核長驅者以核為劾也京師擾攘雄狐綏綏謂中
官用事也助義都尉袁義校尉史策未之見劉焉
到蜀以張魯為督義司馬可見助義袁義皆劉焉
率爾創置者爾雅西漢淮南子歲在未皆作協洽
史記天官書作叶洽歷書亦作協洽又作汁洽史

晨碑云汁光之精即黑帝叶光紀也此作汁洽其

音與協同

碑以擾攘為擾攘朝娉為朝聘譚思為覃思倡厥為猖獗衰術為衰述題剛為

題綱顧即顧字禹即禹字殺即殺字歎呼即烏呼字

益州太守高頤碑

君諱頤字貫方其先出自帝顛頊之苗胄裔乎逢伯

陵者殷湯受命陵有功食采齊缺樂色世為正卿氏

采建姓至高缺為桓公將南陽之師而成魯缺美於

春秋訖漢缺有四城缺八關外家缺二道至君立缺

字親仁樂善游心無藉無缺三翔缺十仕郡辟州清

寒之缺不淪時缺舉孝廉缺九州表蜀郡北部府丞

武缺令缺阿鄭之缺二賦晏缺之缺性試守廣漢屬

國都尉猶宓子之左密配字配李牧之鎮代試守益州

太守字缺三之缺罰膺求由之政事斑芳聲於國畿理

高滿之危溢當登緄職綏缺時靡運缺未濟天降缺

歿字缺害缺貞良建安十四年八月於官卒臣吏播舉

而悲叫梨庶踊泣而切怛追思念義縗經墳側回佗

頌曰穆穆我君帝顛之胄匡輔齊桓缺無其偶苗裔

流行缺彼梁州惟君立節卓爾絕殊學缺從政缺無

茹柔宰城子牧惠澤沾優剖符典郡威德字缺二示民

敬讓闕斷苞組宜享漢輔缺德將舒乾流缺戾缺見

隕徂凡百悽愴痛乎何辜往爾後嗣子孫之模

右漢故益州太守高君之碑隸額今在雅州高君

名頤又有兩闕徧舉其官一云益州太守陰平都

尉武陽令北府丞一云益州太守武陰令上計史

舉孝廉諸部從事此碑磨滅不見察廉宰邑之文

惟北部府丞之下若有一武字當是武陰或武陽

也碑云廣漢都尉而闕作陰平者廣漢有陰平道

也碑云蜀郡北部府丞而闕作北府丞者省文也

銘有闕斷苞組之句下文以舒徂辜模協韻知其

以組為苴明矣輔齊侯者謂高傒也碑亦以緄為

綏民校尉熊君碑

君諱缺字子缺其先盖帝顓頊高陽氏之苗裔周有

天下成王建國熊繹封楚慶祚字缺三於字缺二亦世載

德卅餘代君高祖父壽自汝南吳字缺五子靈王玄孫

大漢龍興缺舉鄉缺拜議郎南巡郡國封龍平字缺三

祖父旻舉字缺三大司馬郊隧缺曾祖父範智詔守長

州辟元

字缺六

君

字缺四

應上計

缺

祖父師

字缺二

上計掾

君

缺

高字漢舉更督詔主簿五官

字缺二

三奏辟頊志

皓首不冑應就君立迹唯仁與

字缺十

祖父

字缺二

治歐

羊尚書六日七分少仕州郡臨朝謇鄂孔甫之揆以

忠孝稱更諸曹

字缺二

賊曹主記史督詔主簿五官功

曹州

字缺八

舉孝廉上計掾興平元年八月二十八日

王寅詔書除補桂陽曲緝長既敦文武為政果達臨

化宣惠所去遺績視事六載荆

字缺八

奔

缺

掩迫之周

罹災致寇

缺

郡潰亂鎮南將軍荆州牧侯山陽劉君

諱表字景升以君稟純履正出自帝宇緬榮輕舉厲

志疾躬

字邪

牧侯

缺

弄

缺

為民所安命還拜綏民校尉

領曲緝長復蒞五丰政隆上古派移歸懷緝負而至

吏民作誦曰彼熊父兮解我患周安我

缺

移遭母憂

字缺二

去官賜九應會王室威

缺

君功顯宿著海內諮

羨拜騎都尉受命立灌陽縣督長六載無為而治稽

則先民

字缺二

跗罔無怨曠聲君春秋七十有一以廿

一率三月廿七日丙寅卒官吏民懷慕官屬五從黃

躬

字缺二

奚湯

缺

扶送靈

缺

哀如彫傷願見農夫泣淚

路堦皆懷悽愴哀我惠君君同產弟望季公質性忼
慨史魚之直吏功曹列掾習韶韶梁長早終君長子

再孝存姿操敦良耽志好學博覽雅藝

字缺二曹列 缺

三奏磔名於州終昔周文公作頌宋成孝父公子奕

斯追羨遺績紀述前勲於是刊碑以示後緄其詞曰

赫赫熊君遷基

缺

宇漢興伐項巡行南土顯封受爵

遂爾延祖繁葉休隆君脩其緒克明盛德字牧城社

所左有績龜銀之衽河雒挺錄為國毗輔懿懿其操

穆穆其姿光光其行桓桓其威清虛澹泊後嗣式序

冠袂之應實賴厥後昊天忽然枕榮終祐喪我良則

國共良輔其存也榮其亡也哀銘勒金石沒而不朽

靈也有知祐福子孫支干相生吉而無咎

咎字詩云嘉

樂君子顯顯令德延于無極

追叙君兮懷純精名稱於州里兮樞機發動執忠貞

兮溷亂而不惑不柱身事汗君兮捐土爵而進退崇

禮約行兮舉動而不跌遭濁而自靖兮泥而不滓穢

嗚呼君兮匪石是為州郡禮遇兮名貫於四表德稱

並宣先兮賢比於前列韶皐之歎岐兮束脩稷由文

武兮興後葉子孫殖兮世享祿龍潛體於枯木兮就
生存是以刊石兮為君立碑攬英雄之迹兮以缺來

詰嗣長基而廣宇兮後世無瘵違

故長沙茶陵長文春字季秋質操貞良慈仁汜愛治

天官日度風角列宿明知聖術在官脩德民歌遺風

春秋七十以道殞遵宗脩不紀故為宣昭

故桂陽陰山豫章缺長重安侯相杜暉字慈明體質

弘亮敦仁好道治易梁丘春秋公羊氏綜覽百家無

所不甄典歷三城居官清惠遺愛在民春秋六十終

族後缺術故曰顯德以示來脩

建安廿一年十缺月丙寅朔一日丙寅大歲丙申碑

師春陵程福造

右漢故綏民校尉騎都尉桂陽曲紅灌陽長熊君

之碑篆額今在道州獻帝建安二十一年造漢人

書墓闕及神道則有盡列其平生所歷官者及銘

誌則舉其所終或所歷之清高者題之其叙先世

但云某君之孫某君之子既不名其父祖亦不著

其德美此碑獨異於它刻高曾之間又有祖父是

其上闕文盖伯叔祖也祖之下云君喬字漢舉喬上亦闕一字必父也碑首熊君名字皆残缺歐陽公吕喬為綏民非也後漢志荆部無灌陽晉志零陵始有觀陽水經云湘水北逕觀陽與觀水合唐上元中吕諲奏用蕭銑舊名復置灌陽今隸全州碑云受命立灌陽縣則是劉表初命熊君置此邑也綏民校尉亦表所創者與高頤襄義校尉相類漢末王政不綱始建牧伯諸劉在荆益擅權專恣無尊獎王室之心名官置縣皆不以告故史氏逸

而不書碑後載茶陵長文春重安侯相杜暉二人官壽行事各數十言似是同郡盛德之士作文者惜其無所記錄故附之左方也

緄為後昆 珙 碓為英雄 堦即隅字 爵即爵字 質即質字 風即風字

梁相費汎碑

梁相諱汎字仲慮此邦之人也其先季友為魯大夫有功封費曰妣為姓秦項兵起避隆于此遂留家焉 世業稼穡好學禮樂大漢之缺 嗣司相繼絕而復續 至梁府君以孝友全行聞於鄉邑仕更郡右塞郢質

直在公履法察孝廉除郎中屯騎司馬遷蕭令眩民
 如子先教後罰流玄默之化奉以忠信守以敦篤在
 位九丰百姓移風苛慝不作姦宥不發變爭路銷推
 讓道生三牟不斷獄禎祥感應時沛有蝗獨不入界
 由此顯名國以狀聞朝廷嘉諸拜梁相宣慈惠缺不
 帥自正當登台階延究眉耆被病遜位春秋八十卒
 二子慕缺鳳由宰府至堂邑令政九江太守適孫均
 感奚斯之義刊銘玄石旌勒厥美俾缺覽焉其辭曰
 歟歟顯祖厥德齟齬播勛於前不頌基業遺愛於民

福流後肫庶缺昌缺左堂缺室功烈休矣未昆勦力

右漢故梁相費府君之碑篆額今在湖州費君名
 汎堂邑令鳳九江太守政之父也鳳以威宗熹平
 中卒碑載費君二子所終之官此蓋其孫均所立
 故其銘有穆穆顯祖之句鳳碑云孝孫字元宰生
 不識考妣追惟厥祖恩蓬首斬衰杖則鳳之子已
 蚤卒此所謂均乃九江之子得鳳畝一金之產者
 左傳魯僖公賜季友汶陽之田及費碑作季文誤
 也趙氏曰費有兩姓音讀不同源流亦異其一音

蜚嬴姓出於伯翳史記所載費昌費中楚費無極漢費長房其後也其一音祕姬姓出於季友琅邪

費氏及梁相者其後也

碑以襄鄂為襄諤姬即氏字墜即地字

高陽令楊著碑

上缺十字

之情窮七道之奠

缺綜書藉

字缺三

賢仕郎歷五

官掾功曹司隸從事仍辟大尉遷定穎侯相特以儒學詔書勅留定經東觀順玄公之指蠲歷世之疑天子異焉擢掾議郎遷高陽令德以柔民刑以威姦是以勅庶愛若冬日畏如蠶旻恩洽化帑未舉有成願

甫班麗方授鉅符聞母氏疾病孝烝內發醪榮投黻

步出城寺衣不暇蒞車不俟駕載馳

缺二字

躬親嘗禮

追送曾參繼迹樂正百行之主於斯為盛復辟司徒

舉治劇掾思善侯相遭從兄沛相憂薦義志寵飄然

輕舉位淹名顯敷聞于下宜幹帝室佐國輔臣上天

不惠不我愁

字缺三年

遺年五十有三

壬寅卒凡百隕涕縉紳懼傷門徒小子喪茲師范悲

將焉告叩叫穿倉感三成之義惟銘勒之制皆所已

紀盛德傳無窮者也若茲不刊後哲曷聞故樹斯石

以昭厥勲其辭曰

玄乾鐘德于我楊君其德伊何如玉如瑩烝烝其孝

恂恂其仁躬尚節儉

缺一字

文綱紀典暮

缺一字

右漢故高陽令楊君之碑篆額楊君名著太尉震

之孫常山相讓之子碑缺其名得之于震碑仕歷

司隸從事議郎高陽令思善侯相年五十三而卒

石損亡其年漢之五國相則秩二千石侯國相纜

與令長等耳思善者汝南之小國碑首題以高陽

者最爾國不若壯哉縣也楊震碑亦稱著為高陽

爾晉宣溫薦譙秀表云敦在三之節李善引國語

藥共子之言曰人生於三事之如一謂父生之師

教之君食之也漢代銘誌類皆門人所立故用此

語者頗多逢盛碑云感激三成一列同義楊震碑

云緣在三義一楊統碑云追在三之分此碑云感

三成之義三楊碑皆用之同出晉語也詩以圻父

作祈父此云頌甫盖又借用

碑以未舉為未葺醜榮投黻為釋榮投紱

師范為師範穹倉為穹蒼揅即拜字黻即秋字逖即蹤字

楊著碑陰

上缺孫甫缺 鉅鹿時稚明魏郡公孫缺 丘陽魏郡缺 晶缺 丘

明魏郡申缺 魏郡吳缺 中山張季興彭城丁季

珍五東郡楊卓成缺 秋河東缺 子河河東李順英

中山李景持博陵信都晏和南陽李長龍南陽呂武

康缺 千

河東杜仲異河東李子巖五博陵王仲臺五博陵缺

公義河內馬仲師魏郡李孟賢缺 許元賓平原孫

伯仁右後公門生

汝南陳萬昌汝南尹仲恭勃海高文啟勃海孫叔直

河東孫定博彭城間缺 丘成彭城劉德祖涿郡張子

岐馮翊上官孝蘭馮翊于元歷魯國朱登高北海齊

安祖東郡劉季義河間缺 河間劉子顯

右四人五百

右沛君門生

河東常仲嘗河東任敷河河東相里文調河東枝彦

光河東侯子宣

右人五百

河東楊公博河東賞威立河東盧文式河東盧叔達

河東盧子辯河東缺文和河東常文則河東楊景鴻
河東常德寅會稽李子義廣漢古世弘魏郡扈子明
右三人沛君生

右楊著碑陰其間有沛君門生者沛相統也後公
門生者太尉秉也楊震拜于前故以秉為後沛君
者著之從兄後公者著之季父後公之薨其猶子
繁陽君委榮而投紱高陽君以沛相之喪亦棄官
而歸一門孝義如此宜其門人事之如一伐石立
表無彼此之分非皆著之門生也故不名

光祿勳劉曜碑

君諱曜字季尼蓋孝文枝曹梁孝河東之裔孫也祖

考山陽令顯考柏人令缺呂孝缺公府麻三縣令缺

字孝缺開陽長缺從事守長早終君天姿孝友缺

拜樂缺長乞留宿衛除郎中謁者大官令喪母服闋

復為郎中朱爵司馬昆陽缺視事九年呂拘夾自

缺無游談之助遷居延都尉缺克嘉績特授議郎書

字缺六用康機缺河內大守缺震怖缺改心旬

月之缺弘引領缺然高缺沒齒母缺世以缺

字大缺六 毅缺四 遜位旋復缺四 水校尉缺二 宗正

衛尉光祿勳缺六 末缺 基月缺八 正忠缺 衛上曠然

守節切書王府缺四 皇極年七十三寢疾缺九 七日

康辛缺 世缺二 沒缺四 賻缺 禮贈畢備缺二 榮亡哀

字缺三 貴於是故吏 陽安缺 令郭缺 門生房缺 等缺

其徒缺 乃共立碑刊石缺四 其辭曰

天臨大漢錫旨明詰寔缺三 君缺五 城統邦缺十 澄

九列三履宗伯婚缺八 命傾歿勒勳金缺七 歎呼哀

哉

君諱關六

右漢故光祿勳東平無鹽劉府君碑篆額在鄆州

有陰劉君名曜漢之公族也歷郎中謁者太官令

朱爵司馬居延都尉議郎河內太守長水校尉宗

正衛尉光祿勳七十三而卒故吏門生立此碑其

石碎裂失其所終之年漢人銘墓以郡邑題其首

者所見惟此一碑碑以麻為 歷基為碁

隸釋卷第十一

隸釋卷第十二

太尉楊震碑

并陰

荊州從事范鎮碑

執金吾丞武榮碑

督郵班碑

浚儀令衡立碑

戚伯著碑

趙相雍勸闕碑

先生郭輔碑

相府小史夏堪碑

李翊夫人碑

太尉楊震碑

缺三字

字伯起

缺二十一字

氏焉聖漢龍興楊熹佐命克項

於垓錫

缺四字

公侯之胄必復其始是以神祇降祉乃

生于公實履忠貞恂美且仁博學甄微靡道不諛又
明尚書歐陽河洛緯度窮神知變與聖同符鴻漸衡
門羣英雲集成共飲酌其流者有踰三千至德通洞
天爵不應貽我三魚以章懿德遠近由是知為亦在
繼明而出者矣州郡虛已競以禮招大將軍辟舉茂
才除襄城令遷荊州刺史東萊涿郡大守所在先陽
春以帑化後秋霜以宣威寬猛惟中五教時序功洽
三邦聞于帝京徵旋本朝歷大僕大常遂究司徒大
尉立朝正色恪勤竭忠無德不痊靡惡不形將訓品

物以濟大清而青蠅嫉正醜直實繁橫共構譖慷慨
暴薨于時群后卿士凡百黎萌靡不欷歔垂涕悼其
為忠獲罪乾臨孔昭神鳥送葬王室感寤姦佞伏辜
公功乃伸退錄元勲蒲書慰勞賻贈有加除二子郎
中長子牧富波侯相次讓趙常山相次秉寔能續脩
復登上司陪陵京師次奉黃門侍郎牧子統金城大
守沛相讓子著高陽令皆以宰府為官奉遵先訓易
世不替天鍾嘉祉永世罔極統之門人汝南陳熾等
緣在三義一頌有清廟故敢慕奚斯之追述樹玄石

于墳道其辭曰

穆穆楊公命世而生乃台吐耀乃鬱降精明明天子實公是匡冥冥六合實公是光蹇蹇其直皦皦其清齟矣盛德萬世垂榮勒勲金石日月同炯

右漢故太尉楊公神道碑銘篆額楊公名震洪農華陰人安帝時為司徒垂四載為太尉閱半載以延光三年卒楊氏墓在陝州閿鄉所存隸碑凡四此碑乃其孫沛相統之門人汝南陳熾等所立碑中載楊秉陪陵則威宗延熹八年事也沛相以靈

帝建寧元年卒此碑蓋建寧以後刻者去楊公物故時已四十餘年碑載其諸子官秩凡四人而傳云震五子誤也今之門下士旦握權則獻諛飾詐靡所不至夕失勢則相忘於江湖矣沛君已死而門人為其禰廟立碑漢人風義後世不可跂及奚斯所作蓋謂作廟此及張納費汎碑皆誤用

以黎為黎

楊震碑陰

河東孫定博河東唯在淵河東乃仲凱汝南張伯玉河間劉公顯河間賈伯錡河間劉子顯博陵劉顯祖

中山劉文章彭城閻企在成中山石元密山陽趙敬

德山陽趙輔翔山陽隋子則魏郡刑升高魏郡劉楊

先河南楊中和弘農輔子文彭城劉德祖沛國朱在

祖沛國朱季優沛國兒伯玉字缺儀公人一中山張

升舉平原翟伯真勃海高文欽甘陵傅君璋河南張

真嗣魯國朱登高汝南尹仲宗汝南周升舉汝南陳

在則汝南端滿公彭城虞泰伯河東馮德時涿郡張

子岐陳留董公熹河內樊公琦河內張在輔河內張

子威河內涅君興漢陽張孟考東郡劉季義魏郡岐

伯犀人一汝南缺憲長汝南袁子曾汝南張文靈勃

海黃仲博勃海楊伯耳字牙勃海吳仲犀勃海公王子

舉河南馬子才河南閔通遠河南趙公軼南陽衛在

公南陽程輔時南陽董仲謫潁川史季濟河東楊仲

夏河東上官仲祖河東杜輔漢河東張通國河東馬

國興河東陳在光河東姚德卿河東陽成惠嗣廣漢

楊茂遂常山字缺常山馬適缺大原吳瑋高北海齋

安祖大原劉文高中山張仲妙中山孫仲成中山劉

瑋起中山齊叔謙扶風郭子仁扶風馬伯超魏郡信

成君嚴魏郡孫子臺魏郡石堽興魏郡郭子睢魏郡

郭子尚馮翊賈仲謙馮翊孫元鳳馮翊孫升國馮翊

劉彦長馮翊楊季暉馮翊趙子惠馮翊虔建侯馮翊

蘇文夏京地田元矩缺京地左元臺大原杜叔茂

大原韓孝達梁國富公輔梁國劉伯恪山陽李仲聲

南陽王文徽甘陵張伯寶甘陵董季缺甘陵趙公缺

甘陵宋多缺甘陵韓漢缺甘陵馬公缺甘陵田元缺

甘陵王仲缺鉅鹿游望缺鉅鹿趙仲茂鉅鹿三川宣

缺陳留田季舉陳留王升臺東郡雄君舉東郡高伯

德東郡樊堽舉河東任升暉缺馮翊缺三山陽苗

元陟弘農薄君暉魏郡張堽則汝南張季缺汝南缺

宣則南陽缺孔伯勃海宋王肯勃海吳公士南陽楊

仲寧魏郡李子承馮翊張子則河南南宮進暉京地

袁子方河東缺文伉馮翊救拜卿勃海刑公節勃海

孫叔缺勃海李公山勃海綦毋仲魏勃海吳子謙勃

海邢伯德勃海石季博安平缺漢賢缺四博缺二右

文寵甘陵閻季臺甘陵公孫堽博甘陵宮君威甘陵

傅子觀魏郡郭子堅魏郡馮伯海魏郡劉仲顯魏郡

王伯密魏郡焦仲違涿郡古師子操汝南井冨博汝
 南尹仲恭汝南薛景賓汝南區德榮汝南季文度汝
 南孫子斌汝南費卓成汝南何輔興汝南謝季升南
 陽衛伯光南陽真仲忽南陽真孝祖河南魯妙才濟
 陰缺三字鉅鹿宋文臺大原王子廉魏郡李升山勃海
 紀雒多魏郡劉子祐魏郡劉建昌馮翊項文幾河東
 董子翼汝南缺仲祖汝南鄭孝慈汝南張季方汝南
 文伯思勃海王顯臺南陽左孝伯其陵韓仲昭魏郡
 房魏郡沐季興穎川解子則穎川王仲方穎川

燕仲智穎川虞公若穎川劉伯瑜博陵李季臺博陵
 李輔政缺一人鉅鹿魯子仁河間李伯浮河間趙季臺
 河間劉德和平原陶公輔漢平原劉子忠安平吳顯
 博安平嚴子夏陳留耿子高南陽陳子才

右楊震碑陰可識者百九十餘人皆其孫之門生
 也歲月相距又遠故不名漢碑刑形邢三字多互
 用此碑有刑升高刑公節疑若借用作邢却又有
 邢伯德豈刑自一姓乎師即師字 骨即晉字

荊州從事范鎮碑

漢故荊州從事范君諱鎮字仲弓南陽沘陽人也其
 先出自苑柏何為晉樂正世掌朝禮之制失其官次
 侈呂自僭缺采替紕春秋錄微譏祖諸世有苑子園
 寔能紀陰陽之理其稱微而顯缺名著遂茲盛建功
 子孫爰居來宅沘陽君即其曹也君肇建仁義之基
 始創五福之衢韜律大杜綜畢陶甫侯之遺風故易
 稱師出呂律五用是經平不柱理政呂憲循須律定
 紀功績帑缺德缺州里水蓄流速行著即休先公門
 之忠盡節君父遂登朝階為郡督郵列掾膺姿管蘇

靖供衛上方平不阿嚴而不缺清介之缺曠然發越
 州伯是聞備禮招納呂部江夏過郡麻縣莫不雲披
 風靡畏威裊德坐芳遺濛紀譎巧今當陟泰階配耀
 岳嵩壽不極旌早世隕終景肫之膺二葉州郡官有
 世功位即繼倫於是乃欽樹玄石甄德表勛其辭曰
 於惟從事茂德翔芊構基崇業侯室侯堂契擬季文
 仁若春風義呂繼志禮為宗匡吏缺慈愛與世無傷
 上德不德身翳名章靈永邁矣享斯榮光

右漢故荊州從事范君之碑篆額范君名鎮碑無

所終歲月其云韜律大杜綜率陶甫侯之遺風蓋
法家者流范史云律謝臯蘇而制令數易注以蘇
為司寇愈生此云膺姿管蘇謂夷吾與愈生也

共同麻即歷字裏即懷
字繼即絕字契即繫字

執金吾丞武榮碑

君諱榮字含和治魯詩經韋君章句闕憤傳講孝經
論語漢書史記左氏國語廣學甄微靡不貫綜久旃
大學瀟然高厲魚鱉於雙匹匹字學優則仕為州書佐郡
曹史主簿晉郵五官掾功曹守從事非世六汝南蔡

府君察舉孝廉缺二郎中遷執金吾丞遭孝桓大憂

毛守玄武憾憾字哀悲慟加遇害氣遭疾隕靈缺四君

即吳郡府卿之中子敦煌長史之次弟也廉孝相承

亦世載德不忝缺四命缺不竟台衡蓋觀德於始述

行於終於是刊石勒銘垂示無窮其辭曰

天降雄彥資才卓茂仰高鑽堅允文允武內幹三署

外缺陟旅缺勒毛守舊威缺武缺旗絳天雷震電舉

軟耀赫然陵惟哮厲當遂服肱缺之元輔天何不弔

降此缺咎瘳乎我君仁如不壽爵不副德位不稱功

咸裏傷愴遠近哀同身没字缺二萬世諷誦

右漢執金吾丞武君之碑隸額在濟州武君名榮

吳郡君名開明敦煌君名班榮之亡在靈帝初漢

興魯申公為詩訓故齊轅固燕韓嬰皆為之傳又

有毛氏之學故曰詩分為四申公授瑕邱江公韋

賢治詩事江公傳子元成皆至丞相孫賞以詩授

哀帝至大司馬魯詩有韋氏學此云治魯詩經韋

君章句者此也闕憤者未冠憤之稱語在武梁碑

中魚鱸古鮮字鱸於雙匹者鮮雙寡匹也

督郵斑碑

督郵諱斑字子翁司吾君少子尚書之小弟下缺翁稟

中和之正氣攬生民之上揅舍仁孝之下缺慎終考追

遠尚德乎歸厚敦濟濟集門宇下缺乘時而苟求其儒

家無字缺三從政之得亡下缺噴意五業遂悉包之握樞

運棋要道氏綜百下缺貪請下缺顯雲光匡化衛君卓有

殊蹤及在國為曹史督郵固下缺六藝虞精孔流深字柔

遠而邇以恩又新自同寒苦服麤下缺蹈寬大襟然淡

亮有似老氏非凡所識賢下缺可具書衆善之報實謂

永壽掌文懷寶道審當下賈顏氏遇諸嗟哉我吉士

與此為疇刑藏下北共發憤猛刊石勒銘傳之丐後

其辭曰昂昂子翁如珪如璋樂古眈道思散緯經下

棟梁祗認缺錄仲夏賈霜隱儀厚土下靈真身潛名

顯旂精大玄嗚呼下

右督郵碑云諱斑字子翁司吾君之子尚書君之

弟也碑無額故不得其姓石既碎落故不知其所

終司吾者侯國屬下邳碑有與顏氏為疇之句又

有少子小弟之稱銘云仲夏賈霜必不幸蚤夭者

噴志五葉噴當讀為頤要道氏綜氏當讀為是也

浚儀令衡立碑

君諱立字元節其先出自伊尹阿衡官有缺三為氏

君其曹也曾祖父以儒林清節建缺於缺二官至左

馮下出缺固字君多有嘉操長而字傳帥缺業

下友字尊賢汜愛含弘缺髮為縣功曹無儋石之

穡乃缺絜已約下仕為缺史遷蕭尉紀吾浚善良隱

字情缺二見懷下然乃志高蹈濯鱗常為缺從缺

昭違朝政下望有字人諸友含哀傷悼相與論述

缺以為先缺歿問字缺二者也缺刊斯石以銘缺代其

辭曰

於穆從事淑慎廣淵柔嘉其德儀問孔芬其芬如何

允孝允字缺六有烈勲且享難老彭祖為口旻天不弔

降此咎氛鳴缺痛感字缺五此有靈貽厥後昆

右浚儀令衡君碑有額在鄆州衡君名立字元節

歐陽公以為元節碑云可見者數十字銘云於穆

從事疑其姓伊而為從事趙氏曰碑有額題浚儀

令衡君之碑予亦未之見也石多缺惟銘尚可讀

碑云其先出自伊尹衛尉卿衡方碑亦云伊尹稱

阿衡因而氏焉二人蓋同族也碑以口為公古鄰字也

戚伯著碑

胄周別封氏衛咸邑而為性焉缺漢字缺三仁字缺二王

甥是時寵特進朝侯大僕光祿傳車臨營持節字缺三

芳充列王室遇謗巧呂委位捐爾調官沛土尉卜罔

簡安措東山子孫孝弟薦學應鄉舉止選位至屬國

都尉臬昆府昆勃海大尉功德渙彰

伯著勃海君玄孫季景長子也二七府名禮性仁知

約身學事才略旨通英墨敏疾像同茂盛議者觀如
謂復龜鉅亡緒而乎大歲丁亥娉妻米氏旬期著橫
遇躬度而蒙禱卜奄遂匱歿豈魂俱團父哀母悲傷
其缺絕缺怛缺隕缺嗣緒遠近悽愴失氣伯著缺卿相

亡缺十伯著下缺

右本周末嗣滅氏襲以興勃海君玄孫伯著亡碑
隸額本之上有一字石損其半嘉祐中宿州浚汴
得之泥沙中碑叙其先云調官沛土安措東山子
孫孝弟蓋戚姬遭吕后之禍其族有官于沛者宅

兆所卜子孫因家焉符離即沛之封內也襲以興
者謂襲周之後而與此時墓刻始萌芽標題未當
律令其字畫古怪偏旁增減亦有不可辨者世祖
建武三年章帝章和元年威宗建和元年獻帝建
安十二年皆丁亥也碑有太歲丁亥字當是建武

或章和年所刻者碑云而為性焉以性為姓也京

是即是字榮即中字息即京字晁即丞字事即事
字才即才字矣即筆字龜即龜字始即始字躬即
邪字而即不字賁即賈字惟為字未詳

趙相雍勸闕碑

高祖父諱竇字伯著孝廉河南令侍御史九江太守

字缺三君子望字伯栢右校令望子陟孝廉胸忍令五缺

字陟弟朗字仲冑孝廉弘農令武都太守朗弟勸字

祚缺孝廉成臯令趙國相勸子煜字稚缺孝廉資中

長江令字缺三都尉自右校君以舊墓在水闕而墳墓

多地勢字缺五斯造墳壠樹碑銘至趙國府君在官五

載莅政清平有其棠之化季世五卒於官故吏民漢

中太守邯鄲字缺四等慕戀恩德刊石稱頌焉

右漢故趙國相雖府君出闕十隸字今在梓潼漢

代銘墓所叙人之上世未嘗書其名諱此碑載雍

君父祖諱兄名又有字其官秩甚詳而雍君事迹

則甚略趙氏以此為碑而謂前十字為闕予考其

文水闕舊墓者謂九江君也右校既易地造壠此

之諸冢皆同兆域趙相故吏併志其事蓋題闕之

文非墓道之碑與邱中之銘也九江乃資中曾祖

謂之高祖者似指其子言之也此碑全類魏晉間

所書劉備及劉淵國中所刻碑亦題為漢存于今

如車騎將軍闕成獻王碑是也此刻甚可疑但無

年歲可證趙氏又寘諸漢碑中故存之

先生郭輔碑

先生諱輔字甫成其先出自有周王季之中子為文王卿士采食於豳圉圉武王錫而封之後世謂之郭春秋之時為晉所并遭戰國秦漢子孫流分來居荆土氏國立姓焉傳云聖賢之後必有達者先生應焉其少也孝友而悅學其長也寬舒如好施是以宗親歸懷鄉鄙高尚直已而行年五十有二遇疾而終有四男三女咸高賢姣嬈富貴顯榮可謂子孫繁者已

其季女明文穎川之夫人也感惟孝妣克昌之德登山采石致丐墓道邑人縉紳刻石作歌昭示來嗣其

辭曰

寘惟先生孺仲之裔盛德遺祀休矣亦世孝友貞信仁恕好惠直已自求不欲榮勢綽綽令人獲道之望薦生七子鍾天之祉堂堂四俊碩大婉敏娥娥三妃行追大妣葉葉昆嗣福祿茂止克昌厥後身去烈左鑄石佗歌昭禾萬祀

右郭先生之碑隸額今在襄陽郭君名輔碑無歲

月時代歐陽以為漢碑趙以為魏晉字畫今碑有
兩昭字晉人所諱疑此是魏刻郭君有四子碑云
堂堂四俊碩大婉敏而此碑乃其季女所立何也
又云娥娥三妃行追大姒漢碑嘗以孔宙比禹湯
矣此以大姒比郭氏諸女擬人不以其倫如此

相府小史夏堪碑

字缺三曹小史夏堪字紉德帝禹之精苗缺侯之遺缺
字零陵太守之相嗣也易世承系休祚仍垂印紉缺
字豔罔託堪繼令縱受氣蹈真丰在洗缺奉親恭順

字缺二東洛搽絜冰雪苛獲縣選初涉府朝典職首曹

聰缺施布天殲良善卒溝瘵疴霄命反摧國空貞脩
收傳寵遭官渣臨呬慈恩感踴族姻追傷娉會謝氏
并靈合樞古命有之仲泥何恠嗚呼哀哉其辭曰
嗟紉德舍泐勲質珪玉性馥芬視缺搽希騏顏悅龍
階望浮雲跼尺水津未彊春華萌遭電霜壽不究魄
蜚揚情悲切著篇章刊石銘傳萬丰

右故相府小史夏堪碑隸額在亳州文則崛竒字
甚怪陋有難以意會者東都辟公府掾皆上言故

有秩比古之元士三命者東西曹比四百石餘掾
 比三百石屬比二百石其不言者則為百石屬後
 皆自除故通為百石自西曹東曹之下有戶曹奏
 曹辭曹法曹尉曹賊曹決曹兵曹金曹倉曹此碑
 之前曹上有關文其間云典職首曹必東西曹也
 以其蚤世故謂之小史爾跽尺水津未強春華萌
 遭電霜造語殊為不苟希騏顏者盖用法言晞驥
 亦顏之語然以夫子為仲泥則狎侮之罪大於子

雲芝準易也

碑以紼為級道為察跽為跽

李翊夫人碑

廣漢屬國候夫人節行絜靜德配古之聖母早失匹
字壽眉者不耐憤然癯瘵稱列述厥辭白

昔彼衛姬輔齊匡桓文母循道周室獲蕃於虧夫人
 臧侯苗焉自彼適斯蹈禮伉言恭順承明孝行布宣
 述嬪慈惠聰達楚樊繼姑入室勤養撝撝育理家道
 羣宗為軒求福衣回操無遺術愆字約身紡績殖賄圃
 園敬姜誨子林教陰息男三女二靡穆閨門女則括
 禮男則與權節義踰古訓導不煩九族和親若葉附

相歲在大淵敲精魂奄昏飛神天庭收刑玄都莫不

歎息涕零烏呼明智有德咸曰何辜害我仁良顛缺

友俎瘳感路人泣露泥塗逝而不返子孫呱呱

歎曰陰陽分子鍾律滋星月列子有四時神定訖子

萬姓熹壽十二子九九期五三未未字子喪在姪秋發

子春華殆周公九子成稱灾靡黃馘子盖天胎世有

皇子氣所裁赴鴻淵子逝不來鳳延頸子泣交頤顛

顛悲子涕墮零寐耿耿子惟傷情波倉天子想神靈

憧劫剝子丰不榮蘭芷亡子喪之英誰不忉子佗佗

聲疇匪號子鳴譽二祀之全子感動城陟四極子升

天庭曰司命子政不平飛螽蠹子害仁良魂魄孤子

獨煢二陳祐祠子返所生幽不見子存厥荆嗟曰遐

子適宵二

右廣漢屬國侯夫人碑李翊之配也兩碑今在渠

州歐趙時皆未出其文云於戲夫人臧侯苗焉蓋


夫人之姓臧也其後歎辭九九十二之數殊未易

曉中有重文數句惟其末豐豐三處字不再出其

間假借字以頌頌作鵠鵠作螽蠹作螽蠹它碑所無

者漢婦人墓銘見於文士集中固不一其石刻存于今者獨此一碑爾

搯即拳字莞即莞字
眉即真字眉即眉字



隸釋卷第十二

隸釋卷第十三

雒陽令王稚子闕二 交阯都尉沈君神道二

益州太守高頤闕二 幽州刺史馮煥神道

馮煥殘碑 并陰 鉅鹿太守金君闕

益州太守楊宗墓道 清河相張君墓道

不其令董恢闕 絲竹令王君神道

江原長進德碣 上庸長司馬孟臺神道

高直闕 處士金恭闕

金恭碑 韋氏神道

張賓公妻穿中二柱文

雒陽令王稚子二闕

漢故先靈侍御史河內緄令王君稚子闕

漢故兗州刺史雒陽令王君稚子之闕

右雒陽令王稚子二闕王君名渙其字稚子廣漢

鄆人也東漢循吏有列傳渙舉茂材歷温令兗州

刺史侍御史洛陽令以和帝元興元年卒今成都

新都縣有渙墓此墓前之雙石闕也其上各刻車

馬之狀一則二人乘馬一則二人乘車見於隸釋

惟馮煥高頤金恭三人有闕又有碑趙氏云本傳

稚子嘗為温令而碑作河內令乃史之誤其說非

也温者河內之邑河內是郡名無令也碑云河內

縣令者以郡為尊盖謂河內之縣令爾即温也先

靈之稱它碑所無碑中縣字反系作緄

交阯都尉沈君二神道

漢謁者北屯司馬左都候沈府君神道

漢新豐令交阯都尉沈府君神道

右交阯都尉沈君二神道今在梁山軍其上各刻

朱雀其形相向知此蓋是一人猶王稚子闕盡書其所歷官也其下又刻龜蛇虎首所畫甚工此字及馮煥王稚子闕皆是八分書張懷瓘所謂作威投戟騰氣揚波者也

益州太守高頤二闕

漢故益州太守武陰令上計史舉孝廉諸部從事高頤字貫方

漢故益州太守陰平都尉武陽令北府丞舉孝廉高

府君字貫字缺一

右益州太守高頤二闕今在雅州高頤字貫方有墓碑載其歷北部府丞廣漢屬國都尉益州太守以獻帝建安十四年卒碑石淪碎官不盡見此兩闕一有高君名字一不稱名而字闕其一予所見六十年前石刻貫字之旁刻云缺一字近世所見乃有以光字補之者此一闕雖無頤之名而陰平北府皆見之碑誌可據則兩者皆高頤之闕也漢志緣邊屬國無陰平惟廣漢有陰平道前書注陰平云北部都尉治墓闕所以書廣漢為陰平者指

其理所也

幽州刺史馮煥神道

故尚書侍郎河南京令豫州幽州刺史馮使君神道
右幽州刺史馮煥神道今在渠州馮緄傳云父煥
安帝時為幽州刺史建光元年卒隸釋有元初六
年賜豫州刺史馮煥詔煥之殘碑有郎中尚書侍
五字惟京令無所見也

馮煥殘碑

君諱煥字平隄下廉除郎中尚書侍下遷豫州刺史

郵別下缺下以北鮮卑畔送下缺下史英書嘉嘆賜錢下缺下守以

永寧二年四下缺

右馮煥殘碑三十九字其云北鮮卑叛逆則元初
六年詔除幽州時事也其云策書嘉嘆賜錢者馮
緄傳載煥死於獄中帝愍之賜錢十萬當是此事
也未有永寧二年四字蓋其卒之年月也帝紀書
建光元年正月幽州刺史馮煥率十二郡太守討
高句驪穢猶不克四月遼東都尉龐奮承偽璽書
殺元菟太守姚光緄傳云煥為幽州刺史疾忌姦

惡元菟太守姚光亦失人和建光元年怨者詐作
璽書賜煥光以歐刀下遼東龐奮行刑奮即斬光
收煥煥疑詔有異上書自訟病死獄中建光之元
即永寧二年是歲七月改元煥以四月終故碑尚
用舊年也碑字雖無幾而皆與史合

馮煥殘碑陰

^上曹史 ^{缺六}衡賊曹令史汝南 ^缺表德官兵曹令史

河內樊晏世寧兵曹令史漢中祝颺孔達士曹令史
穎川闕揚武節集曹令史北海孫登元叙 ^{缺三}下 ^{缺六}

^字漢 ^缺戶曹史汝南 ^{缺三}臺客曹史汝南過嘖子讓

外兵曹史陳國丁武妙生帳下司馬陳國陳景伯載
武司馬汝南程旻季劉

右馮煥殘碑陰諸曹史及帳下司馬武剛司馬十
餘人其間有貫穎川汝南陳國者皆豫州舊部也
過即過字岬即剛字嘖即謙字西漢太玄皆有之
鉅鹿太守金君關

鉅鹿太守金君關

右鉅鹿太守金君關七字今在蜀道不知其人也

益州太守楊宗墓道

漢故益州太守楊府君諱宗字德仲墓道

右益州太守楊宗墓道十六大字今在西州

清河相張君墓道

清河相弘農太守張君墓

下缺一字

右清河相張君墓道一碑甚大其中但存此數字

惟河相弘農君五字點畫具爾漢人用字有假借

者有通用者有奇古者有變易偏旁及減省者隸

釋皆已表出其間點畫小異尋文而可識者皆不

復釋如此碑農上安西之類是也顏之推論揖下

無耳鼓外設皮離則配禹臯分澤外咸以世俗為

非今隸字皆然蓋各是一家之書不可拘以古法

也其詳已類之隸韻略舉數字于此平聲則牢

靈靈通濡遷遷上聲則響響覽覽秉秉啓啓

典典去聲則據據齋齋孟孟驗驗舜舜入聲則術

術術屬屬隲隲惔惔臺臺凡魏字山皆在下魏字却

有山在上者惟字皆从心獨尚書从系爾

不其令董恢闕

漢故不其令董君闕

右不其令董君闕碑錄云濟州任城有童恢墓雙石闕字一云童恢琅邪人一云漢故不其令童君東漢循吏有童恢傳注云謝承書作僮種兩姓異同史氏固有所疑矣初未嘗見此闕遂以董為童與宗均相類當以碑為正前書地里志不其屬琅邪注云其音基范史王景傳云八世祖琅邪不其人郡國志東萊郡有不期侯國故屬琅邪恢宰邑有異政為青州所舉則恢為令時不其已不隸琅

邪矣志作不期誤也傳云恢字漢宗琅邪姑幕人辟公府除不其令舉尤異遷丹陽太守暴疾卒其為令在楊賜罷相之後則恢蓋孝靈時人也但恢嘗守丹陽而闕不書者或是如王稚子之類有兩闕而互見之歟此闕刻一冢冢上三物植立若木葉然二男子拜于前其後有一婦人二稚子又有六婦人魚貫于後冢旁有一大樹其下有一馬立於木下及馬後者各一人馬前有數物如雞鶩之狀者

縣竹令王君神道

廣漢縣令王君神道

右縣竹令王君神道九字微雜篆體縣字作曰下木略與縣字相混故趙氏誤作廣漢縣令而謂其借苓為令也歐陽公博收並蓄顧弗深考姓名字畫多有誤讀者德父治郡之餘專意金石刻辨證亦甚精確獨此碑為可笑爾

江原長進德碣

君諱就字進德故蜀郡江原長延熹三年互缺孟彦

造作

右江原長碣有名字而不知其姓似闕非闕似碑非碑其文由左而右其下刻一怪獸之首若虎而有角碑在今蜀州江原縣

上庸長司馬孟臺神道

故上庸長司馬君孟臺神道

右上庸長司馬孟臺神道石文皴剝而字札甚精漢人所作墓闕神道者第欲表封陌限樵牧爾非若鐫過實之辭有意乎欺誑來世也

漢故高君諱直字文玉

右高直闕九字今在蜀中字畫甚不工漢人題墓
有云神道者有云墓道者有去闕者惟高頤及高
直但書姓名字爾

處士金恭闕

處亦金恭字子

下缺一字

右處士金恭闕子下一字惟存一筆以墓碣及金
廣延母碑參之知其字子肅也此石圭首甚銳其

上刻三足鳥其次橫刻此數字其下有一人執扇
而乘馬兩旁有螭銜環近歲出於雲安軍土中

金恭碑

金君

缺二字碑

生諱恭字子肅年廿二東循聰字缺三年六月十一日

侵疾絕命身

字缺三

妻

缺

徃

字缺四

溺救

字缺五

武

缺

嘉

缺二

字人

缺四字

丰方弱翁孫

字缺三

攻

缺

何不

字缺三

夙茂

缺九

字道而

字缺六

成家

字缺二

姑

字缺二

之道

字缺六

粉

字缺二

心

缺意薦永

缺

不改其樂

字缺二

率

字缺六

松

字缺三

不矜

缺五

字為其宅北

右金恭碑其石剝缺殘章少有可句者金掾季本即其父也二弟曰廣延曰雍直其母徐氏有紀訾產碑

韋氏神道

弔氏神道

右韋氏神道石文中斷似若韋字爾

張賓公妻穿中二柱文

維兮本造此窀者張賓公妻子偉伯伯妻孫陵在此

右方曲內中

維兮張偉伯子長仲以建初二年六月十二日與少子紉元俱下世長子元益為之祖父窀中造內栖柱作崖棺葬父及弟紉元

右張氏穿中記土本張賓公之妻之穴也其子偉伯及偉伯妻與其孫陵皆祔葬右方曲內中故志之其一則偉伯之孫元益葬其父長仲并弟叔元所志也維兮猶烏呼之類其間云建初二年則章古而拙在會稽都尉路君闕之後人

闕之前二十八年亦埋銘之推輪

眉州李治中云武陽城東彭亡山之巔耕夫斲地
有聲尋罅入焉石窟如屋大中立兩崖崖柱左右
各分二室左方有破瓦棺入泥中右方三崖棺泥
穢充仍執燭視之得題識三所一在門旁為土所
蝕塵存其上十許字穿中沙石不堅數日間觀者
揩摩悉皆漫滅其二在兩柱前稍高故可拓時紹
興丁丑年也上距建初丁丑千八十有一年

隸釋卷第十三

隸釋卷第十四

石經尚書殘碑

石經魯詩殘碑

石經儀禮殘碑

石經公羊殘碑

石經論語殘碑

學師宋恩等題名

石經尚書殘碑

命

孔本
作身

何及相

缺

散

孔作
檢下缺

言白人維舊

孔舊上
有求下缺

二

孔作
求

舊

下缺

有志女毋翕侮成人毋流

孔作汝
無侮老成人

無弱

下缺

各共爾事齊乃位度爾

孔作

口

下缺

民之承保

后胥高

孔作
感

鮮以不浮

下缺

試以爾

孔作

遷安定廡

國孔作邦今孔作無女不下缺其或迪孔作稽自怨孔作怒永

誕孔作勸憂今其有今罔後女何下缺之勞爾先子不

下缺于茲高后不乃知孔作崇降闢疾白下缺能迪古

我先后下缺民女有近孔作戕則在乃心我先后綏下缺

興降不永於戲孔作弗祥嗚呼今予下缺絕遠女比猶孔作

分念以相從各翕孔作設中下缺建乃家孔作股孔作盤

既下缺衆白女罔台民孔作戲勛孔作懋建大命今我

孔作凶德綏孔作嘉績下缺今孔作無爾惠孔作謂朕缺極

震孔作動萬民以遷肆上下缺乘孔作隱哉予其勛孔作懋

簡相爾念敬我衆朕不已上盤庚三篇

民中絕命民有不若德不聽聞天既寸孔作孚已上高宗彤日篇

厥遺任孔作王父母弟不迪乃維四方下缺不嚮于四

伐五伐六伐七伐乃已上牧誓篇

伊孔作無鴻孔作洪水白孔作汨陳其五行帝下缺白建用皇

極次六白艾孔作用三德下缺潤下位鹹炎上位苦

曲直位下缺食二白偵三白祀四白司空下缺極凡

厥庶民無有涇邇人無有下缺明人之有能有為使

羞其行而下缺路毋偏毋黨王道蕩蕩毋黨下缺為

天下王三德孔三上一一白正直二下缺家而無孔凶于

而國人用缺頗辟孔作僻乃心諫及卿缺諫及庶民

已上洪範篇維天命元孔元作朕不敢有下缺闢時維天命王曰

告爾孔無多下缺茲維孔作予維四方罔攸責亦維

爾下缺有年于茲維爾小子乃興從爾遷王已上多

否穡之艱難乃勅孔作乃憲孔作既延孔作不孔

則侮厥下缺中宗嚴恭寅畏天命自亮孔作度治民

祗懼下缺或怨肆高宗之饗國百年孔作享國五自

時厥後下缺功田功激栗懿共懷保小人孔作惠于

矜孔作鮮鰥酒孔作毋勅孔作于遊田維缺共孔作

于觀于逸于遊于田毋兄孔作白今日下缺厥不聖

以萬民惟正之供人乃訛變孔變上乃亂正刑孔正上有至于下缺

聽孔作人乃訛變有之乃亂正刑先王之至于下缺

則兄白孔作敬德厥樹白朕之樹允下缺公白於戲

嗣王臨于茲孔監上有其無逸篇

道孔作出于不詳於戲君缺白時我已上君奭篇

我則致天之已上多方篇

常伯常任辟孔作準亂孔謀面用下缺于厥邑其在

下缺 有會孔作俊 心以敬事下缺 王維厥孔厥上 度孔作

宅 心乃下缺 受茲孔作北 卒卒其孔作基 於戲下缺 旦以

前孔作已受 人之微孔作微 言下缺 訓德孔德上 是罔顯哉

在孔作 厥世下缺 王之鮮孔作耿 光以揚武王已上立政篇

几乃缺 名大保下缺 通孔作達 殷就孔作集 大命在下缺

非幾茲即孔作既 黼衣孔作哀 已上顧命篇

右石經尚書殘碑盤庚篇百七十二字高宗彤日
篇十五字牧誓篇二十四字洪範篇百八字多士
篇四十四字無逸篇百三字君奭篇十一字多方

篇五字立政篇五十六字顧命篇十七字合五百

四十七字熹平四年議郎蔡邕所書者漢儒傳伏

生尚書有歐陽大小夏侯之學孔安國尚書漢人

雖有為之訓傳者然不立於學官永嘉之亂三家

之書並亡故孔氏傳獨行以其書校之石本多十

字少二十一字不同者五十五字借用者八字鴻

艾劫猶之類是也通用者十一字於戲毋女之類

是也孔氏叙商三宗以年多少為先後此碑獨闕

祖甲計其字蓋在中宗之上以傳序為次也但云

高宗饗國百年異爾范史云蔡邕以俗儒穿鑿經籍疑誤後學與堂谿典馬日磾等奏求正定六經文字時博士試甲乙科爭第高下至有行賂改蘭臺漆書經字者靈帝乃從諸儒之請刊石立之太學天下咸取則焉碑高一丈廣四尺陸機洛陽記云碑凡四十六書易公羊二十八碑其十二毀論語三碑其二毀禮記十五碑皆毀北齊徙之鄴都至河陽岸頽半没于水隋復載入長安有易一卷書六卷魯詩六卷儀禮九卷春秋一卷公羊九卷論

語一卷未及補治而亂作營繕者至用為柱礎唐初魏鄭公收聚之十不存一則石經之散亡久矣本朝一統時遺經斷石藏於好事之家猶崑山片玉已不多見今京華鞠為瓊芻之鄉殘碑日益鮮矣予既集隸釋因以所有鏡之會稽蓬萊閣勛音也勛亦逸字

石經魯詩殘碑

惟毛作是福心是以為刺 萬屨下汾一曲言采其

蕢彼其之子美下之誰知缺一字之蓋亦勿思

園有棘其實之

缺下父子父

缺一字

曰嗟予子行役夙

夜毋

毛作無

已尚

毛作上

慎

缺下

哉猶來毋死

陟岵三章

章六句

十

缺下

不稼不書

毛作穡

胡取禾三百

廛子不狩不

缺下

特子彼君子子不素食子

飲飲

毛作

坎 伐輪子

缺下

毋食我乘三歲宦

毛作貫

女莫我甯顧逝

將去女

缺

宦女莫我甯勞

缺

將去女適彼樂郊樂郊

缺下

蟋蟀在堂歲聿其逝今我不樂日月其

缺下

句

有藟

毛作樞

隰有榆子有衣裳弗曳

缺下

酒食胡

毛作何

不

日鼓瑟且以喜樂

缺下

既見君子云胡其憂

右石經魯詩殘碑百七十三字魏唐國風數篇之

文也與毛詩異者如猗作兮貫作宦樞作藟數字

又有一段二十餘字零落不成文惟有叔于田一

章及女曰雞八字可讀其間有齊韓字蓋叙二家

異同之說猶公羊碑所云顏氏論語碑所云盍毛

包周之比也漢代詩分為四在東京時毛氏詩不

立學官隋志有石經魯詩六卷此碑既論齊韓於

後則知隋志為然也

石經儀禮殘碑

東面主人

下缺

卒爵坐奠爵拜執

下缺

人盥洗升媵

觚于賓

下缺

上拜受爵于筵前

下缺

首公荅拜媵爵

者立

下缺

媵爵者執觶待于

下缺

公坐取大

右石經儀禮殘碑四十五字皆大射儀之文也石

摩滅字畫比它經不明白靈帝紀云詔諸儒正五

經文字刻石立于太學蔡邕傳則云奏求正定六

經紀傳既已不同陸機洛陽記所載但有書易公

羊禮記論語爾惟隋志云後漢刻七經於石碑皆

蔡邕所書其目有一字石經儀禮九卷乃漢史陸

記之踈略也未央宮有曲臺殿天子射宮也西京

無太學於此行禮故后蒼著書說禮數萬言名曰

曲臺記今禁中有選德殿蓋便坐觀射之地而清

閒之燕咨訪治道率在於是殆與曲臺暗合古者

射為六藝之一儀禮一經說射者兩篇後世非介

冑之士則不習與古殊矣媵觚媵爵云者媵蓋送

也

石經公羊殘碑

翬者何公子翬

字缺一

何以不稱公

下缺

栢於是謂栢

白吾為

字缺三

矣隱白

下缺

之之辭也然則孰立之石

字缺二

之石踏

板本作踏

立

下缺

美大之之辭也棠者何濟缺一

字之邑也曷為

下缺

仲子

板本有也字

栢未君則曷為祭

仲子

字缺一

為栢立故

下缺

諸侯四諸公者何諸字缺一

者何天子三公稱

下缺

相處乎內始

字缺一

諸公放板本

作昉於此乎前此矣前

下缺

其成也白吾成敗矣吾與

鄭人未有成

板本有也字

吾

下缺

後為年外取邑不書此

何以書久也

下缺

弟母兄稱兄凡

字缺一

之大夫也此

下缺

之邑也天子有

字缺一

諸侯皆從泰山

下缺

而葬不日

卒赴而

字缺一

不告公曷為與徹者

下缺

大夫之未命

者也公十年此公子翬也何

下缺

外於外大惡書小

惡不書於內大惡諱小

下缺

國也何以不書葬隱之

也何隱爾試

板本作弒

也試

下缺

葬

板本有為字

不繫

缺一

匡

子

字缺一

薨何以不地不忍言

已上隱公

何易之也易之則其

下缺

諱取周田也諱取

已上威公

十有四平何以

字缺一

記異也何異

下缺

則至無王者

則不至有以告者曰有麇而

下缺

乎隱祖之所還

板本

作逮聞

字缺一

所見異辭所聞異辭所

下缺

不亦樂乎堯

舜

字缺一

君子也制春秋之義以已上哀公

有不傳桓公二年顏氏有所見異辭所聞異

下缺

何

以書記災也

世年顏氏言君出則已入

下缺

顏氏

無伐而不言圍者非取邑之辭也

十

下缺

谿典諫議大夫臣馬日磾臣趙域議郎臣

字缺一

臣劉

弘郎中臣張文臣蘇陵臣傅楨雜

右石經公羊殘碑三百七十五字自隱公四年至

威公元年及哀公十四年之文也所書者皆是公

羊氏傳辭而無春秋正經又有顏氏說石文斷續

不可考繹蓋嚴顏異同之辨也以今板本校之惟

易四字省四字爾漢注引陸機洛陽記云禮記碑

上有馬日磾蔡邕名今此碑有堂谿典八人姓名

論語碑亦有左立二人姓名陸氏所記未之詳也

石經論語殘碑

鮮矣不好犯上而好佞

下缺

本本立

字缺一

道生孝

下缺

曰道千乘之國敬事

下缺

使民以時

子曰弟子

下缺

而有信雖曰未學吾必謂

下缺

君子不重則不威學

則

下缺

與意

板本作抑

予之與子贛

板本作貢

曰夫子

字缺一

以

得之夫子之求之也下缺道斯為美小大由之有所

不行知字缺五禮節之亦不板本有行下缺焉可謂好

學已矣下板本作也已而無諂富而無驕下缺告諸注

而知來下缺人之不下缺章已上學而篇

免而無恥道之以德齊之下缺乎板本學世下缺孫問孝

於我我對曰毋違樊遲字缺一何下缺曰生下缺葬之以禮

祭下缺以別子夏問孝子曰色難有勞有下缺孝下缺

廋哉人為廋板本有哉字子曰溫故而知下缺子下缺曰何為則

贛問下缺乎異端斯害也已子曰子曰下缺子曰何為則

民服孔子對曰下缺子曰書云孝于板本作乎惟孝友

于兄下缺也周因於殷禮所損益可知下缺已上為政篇

曰人而不仁如禮何人而不仁如樂何林缺一字與

下缺與對曰不能子曰字缺一山不如林放字缺一也射

下缺曰起子板本有者字商也始可下缺子曰下缺殷禮

吾下缺也知其說字缺一天下也其字缺一示諸斯乎下缺

如神在下缺於二代郁郁乎下缺大廟下缺子知禮

下缺禮下缺也下缺以柏周人以栗曰使民下缺往

下缺門國板本作邦君為兩君之好有反缺一字管氏下缺

知禮下缺吾未嘗不得見也沒者字缺二出曰下缺無

道也久下缺觀之哉凡廿六章已上八佾篇

人子曰苟志於仁矣無惡板本有也字子曰富與貴

是人之所欲也下缺顛沛必於是子字缺二未見好

仁板本有者字惡不仁者好仁者無以尚之下缺過也各

於其黨字缺二斯知仁矣子曰朝聞道夕死可也板本

作矣下缺子曰懷刑小人懷惠子曰放於利而行多怨

子曰能以禮下缺曰唯子出門人問曰何謂也魯子

曰夫子之道忠恕而已下缺曰父母在不遠遊遊必

有方子曰三年無改於父之下缺已上里仁篇

有三年之愛於字缺一父母板本有乎字子曰飽食終日

無所用心難矣哉下缺君子板本有亦字有惡乎子曰有

板本有惡字惡稱人之惡者惡居下板本有流字而訕上者惡

下缺之則不孫遠之則怨子曰年卅板本有而字見惡

焉其終也已凡廿六章已上陽貨篇

枉道而事人何字缺七去父母之國板本一作邦字缺一景公

詩孔子曰若季氏下缺子曰鳳兮鳳兮何而板本無而字

德之衰也板本無也字注字缺二可諫也板本無來者猶可追

也板本無 執車板本作輿 者為誰子板本無 子路曰為孔也

曰是魯孔也與曰是板本有也 是知津矣下缺 若從

避板本作辟 世之士哉擾板本作親 不輟子路板本有以

告板本有 子憮然曰鳥獸不可與同下缺 穀不分孰

為夫子置板本作植 其杖而耘板本作芸 子路拱而缺一 止子

路宿殺雞下缺 禮板本作義 如之何其廢之也板本無 欲絜

其身而亂大倫君子之仕也行其義下缺 志辱身矣

言中倫行中慮其斯以乎板本作而巳矣 謂虞仲夷佚板本作逸

隱居下缺 少缺 陽擊磬襄入于海 周公謂魯公曰

君子不施其親下缺 已上微子篇

交於子張子缺一 曰子夏缺一 何對曰子夏曰可者

缺四 者距板本作拒 子夏曰雖缺一 觀者焉致遠恐泥

是以下缺 其事君子學下缺 子夏曰小人之過下缺 曰下缺 子

夏曰大德缺一 出入可也 子游板本作游 子下缺 君

子之遺焉可缺一 有缺一 有卒者其唯聖人下缺 仕而

下缺 曾子曰吾聞諸板本有 子人未有自致也者板本

也 必也親喪乎缺一 子曰下缺 如得其情則哀矜而勿

喜子贛曰紂之缺一 善缺一 是其板本作 贛曰仲尼

焉學子贛曰文武之道未墜

板本作墜

於地在人賢者志

板本作識

其

下缺

告子贛

字缺

贛曰辟諸

板本作之

宮牆

板本作牆賜

之牆

字缺二

窺見室家之好夫

下缺

尼不可毀

字缺二

人之

賢者企陵也

字缺三

踰也仲尼日月也

下缺

一言以為不

知言不可不慎也夫子之不可及也猶天之

下缺已上子張篇

不蔽簡在帝心朕躬有闕毋

板本作無

以萬方萬方有

一缺

字板本有

在朕躬

下缺

歸心焉所重民食喪

字缺

寬

則得衆敏則有功

字缺

一則說

下缺

不驕威而不猛子

字缺一曰何謂惠而不費子曰

字缺一

民之

下缺

尊其瞻

視儼

字缺三

而畏之斯不亦威而不猛乎

下缺

已上堯曰篇

凡廿篇萬五千七百一字

賈

板本作沽

諸賈之哉包周

字缺四

蓋肆乎其肆也

字缺一

周

下缺一

曰言而在於蕭牆之內盍毛包周無於

下缺一

詔書與博士臣左立即中臣孫表

工陳興刻

右石經論語殘碑九百七十有一字前四篇後四

篇之文也每篇必計其章終篇又總其字又載盍

毛包周有無不同之說以今所行板本校之亦不

至甚異其文有增損者其字亦有假借及用古者
有字異而訓不遠若置其杖賈之哉者漢人作文
不避國諱威宗諱志順帝諱保石經皆臨文不易
樊毅碑命守斯邦劉熊碑來臻我邦之類未嘗為
高帝諱也此碑邦君為兩君之好何必去父母之
邦尚書安定厥邦皆書邦作國疑漢儒所傳如此
非獨遠避此諱也水經云光和六年立石於太學
其上悉刻蔡邕名魏正始中又刻古篆隸三字石
經蓋諸儒受詔在熹平而碑成則光和年也隋志

有一字石經七種三字石經三種其論云漢鑄七
經皆蔡邕書又云魏立一字石經其說自相矛盾
新舊唐志有今字石經七種而注論語云蔡邕作
又有三字石經古篆兩種蓋唐史以隸為今字也
觀遺經字畫之妙非蔡中郎輩不能為以黃初後
來碑刻比之相去不啻霄壤豈魏人筆力可到當
以水經為據三體者乃魏人所刻儒林傳云為古
文篆隸三體者非也史稱邕自書丹使工鑄刻今
所存諸經字體各不同雖邕能分善隸兼備眾體

但文字之多恐非一人可辨史云邕與堂谿典楊賜馬日磾張訓韓說單颺等正定諸經今公羊論語之後惟堂谿日磾二人姓名尚存別有趙陔劉弘張文蘇陵傅楨左立孫表數人竊意其間必有同時揮毫者予詳玩遺字公羊詩書儀禮又在論語上劉寬碑陰王曜題名則公羊詩書之雁行也黃初孔廟碑則論語之苗裔也識者當能別之

學師宋恩等題名

師宋恩元遂師王忠仲霖師郭翔季安師張澤君潤

師楊淮世期師張仁邵游師李衡德仁師羅僵德達

師郤達賓高師程旻孟興師直進方師王朝卿

師邵子河師榮寵定師戴龍高師宋仲

一字又史杜楊表師景遷孝通師張柳卿師杜

缺二人方師衡翔仲卿史通孝義掾王山

業掾世易掾胡易師張元

缺易師求進易師孝尚書掾呂尚

書掾尚書掾尚書師張尚書師楊

尚書師司馬詩掾楊詩掾張掾趙

揆道明

缺

掾王興紀

缺

春秋掾常寵

缺二

議掾劉劬

缺二

文學孝掾周治元經文學掾猶玉子朝文學師

胡通禮達文學師上官震彦照文學師王純季堅文

學師程順无呆從掾位柳魯

字缺四

趙

下缺三字中缺一字又缺二字

掾瞿伯中鄉賊捕李

字缺八

伯德

字缺六

元

下缺四人又缺二字

張涉

缺晉

字缺二

替却馬陵孟

字缺三

替却

字缺三

子

下缺一字

又缺二人

集曹史

字缺四

法曹史舒邛彦万賊曹史

字缺二

盛

紂陽辭曹史趙漢伯彦穀曹史張儀紂

字缺二

曹史張

詡孝舉金曹史羅圃子高穀曹史趙光節比曹史

田

字缺二

彦兵曹史

缺

苞茂思水曹史楊輝子禮金曹

史

字缺二

彦

字缺二

曹史

字缺二

伯齊

缺

曹史

字缺一

劬郭戶

曹史

字缺五

曹掾趙

缺

季信

缺

曹掾張

字缺四

曹掾

字缺三

申功曹史顏考紂

字缺三

常洽盛

字缺五

紀明

字缺一

掾壽

孟起

字缺五

明

後缺二人

右學師宋恩等題名今在成都周公禮殿門之西

序蜀人謂之學師題名其稱師者二十人史二人

孝義掾業掾各一人易掾二人易師三人尚書掾

尚書師各三人詩掾四人春秋掾議掾文學孝掾

文學掾各一人文學師四人從掾位及集曹法曹
賊曹辭曹史又三十二人其漫滅不可辨者十三
人漢永平中嘗為四姓小侯立學置五經師此則
蜀郡諸生也當是郡守興崇學校者鐫石紀德諸
生既刻姓名而諸曹史亦綴其末惜亡其碑不可
考爾成都又有左右生題名一巨碑蓋左學右學
諸生也其間江陽寧蜀晉原遂寧乃蜀晉所置郡
歐陽公以為漢文翁學生題名非也 達即達字

隸釋卷第十四

隸釋卷第十五

賜豫州刺史馮煥詔

費亭侯曹騰碑陰

廣漢屬國辛通達李仲曾造橋碑

廣漢太守沈子琚縣竹江堰碑

鄭子真舍宅殘碑

金廣延母徐氏紀產碑

都鄉正衛彈碑

舜子巷義井碑 并陰

賜豫州刺史馮煥詔

告豫州刺史馮煥今

缺下

常為效用邊將統御

缺下

內以

威恩撫喻杜

缺下

去非鮮卑連犯鄆塞

缺下

過掩卒搗穀

無距捍

缺下

率攝大守以下進退

缺下

曾不表罪誅多攤

缺下

麗王宮爵輕狡獪

缺下

織絕宮不自效

缺下

楚化頃

屬樂浪久矣

缺下

當所謂設訖不定決

缺下

月左右欲來

犯法

缺下

北顧傷心

缺

煥有

缺下

翼煥能竭心盡慮有

缺下

上如不從化替錄部

缺下

惟前後詔書以前人

缺下

侍御

史便宜數上

缺下

元初六年十二月

右賜豫州刺史馮煥詔安帝元初六年也首云告

豫州刺史馮煥者漢詔之式如此帝紀注云漢制

帝之下書有四一曰策書編簡也其制長二尺短

者半之篆書起年月日稱皇帝以命諸侯王三公

以罪免亦賜策而以隸書用尺一木兩行書之二

曰制書其文曰制詔三公皆璽封尚書令印重封

露布州郡三曰詔書其文曰告某官云如故事四

曰誡敕其文曰有詔敕某官此詔云去年鮮卑連

犯鄆塞列傳云元初五年秋代郡鮮卑穿塞入寇
 攻城邑燒官寺殺長吏發緣邊甲卒黎陽營兵備
 之其冬又入上谷六年秋入馬城度遼將軍鄧遵
 率南單于擊破之按馮君乃車騎將軍緄之父緄
 傳云煥為幽州刺史又煥有墓闕題云豫州幽州
 刺史馮使君神道元初季年豫州境內無盜賊事
 上谷代郡皆幽州所部詔有北顧傷心及頃屬樂
 浪之文亦幽州語也詔中諭其竭心盡慮而使之
 便宜數上必是自豫徙幽而賜此詔其石下斷惟

存上八字文意不能詳考煥猶在豫故其前尚稱

故官也

犯即犯字過即過字搗轂即擣擊字儻即慄字獨即獨字織即織字屬即屬字

費亭侯曹騰碑陰

惟建和元年七月廿二日己巳

皇太后曰其遣費亭侯之國為漢藩輔臨君境內毋

有出

缺六字

變卒

缺七字

百姓不可不愛不愛則不附大

臣不親百姓不附可不慎

下缺

制曰

缺

中常侍費亭侯曹騰騰見克

先帝能自奮拔於險阻之中不陷乎羣小害已之譖

遂亦

字缺五

前後英謀

缺二

進賢納

缺

踐胎之初受爵

丐東土厥功章然騰守足退居約身自持遭離母憂

孝行純篤

缺

慎禮紀喪能過哀服祥有不忍遠離之

恩情

缺

感病毀性早薨朕甚閔焉詩曰靡不有初鮮

克有終騰能終之春秋之義旌

缺

采介呂勸為善及

其在殯使兼諫議大

字缺六

特進贈費亭侯印綬魂而

有靈嘉其寵榮嗚呼哀哉

右費亭侯曹騰碑陰水經云譙縣有曹騰碑題云

漢故中常侍長樂太僕特進費亭侯曹君之碑延

熹三年立碑陰又刊詔策二歐趙不指此為曹騰

碑陰失稽考也本傳云騰自安帝時為黃門從官

後以定策立威宗與州輔等七人皆封侯至大長

秋此碑前一篇建和元年七月己巳就國策書乃

梁太后臨朝時也後一篇乃喪贈制書傳云奉事

四帝而水經有據則其亡在威宗時嗚呼東漢之

亡也以閹官雖小人道長作福作威履霜堅冰勢

之必然者蓋上失其道爾高帝約非有功不侯自

和帝封鄭眾而苴茅裂土者相踵至有同日十九

侯者順帝又聽其養子襲爵騰用事省闈三十餘

年其養子嵩至於竊位台輔至孫操遂問鼎矣與昨

昨同篆額今獨存云中常侍長樂大僕特進費亭曹侯碑水經誤多四字

蜀郡屬國辛通達李仲曾造橋碑

惟延熹龍在甲辰三月甲子傷民彙集滑月扶攜五缺

字憂造此茫槁缺之基改奢就儉莫不安之以五

月甲午竟領道楊缺荷杜仁領道楊瑗缺二叙惠勒

石文不能嘆一以哀賢君其辭曰字缺二汜反側位在角精

崖崖山巒水缺汶江漂缺湍濁道缺丘阜棧格陵陵

地則居缺新缺二栢竟缺官缺夷羌虜賊頃丰畔厲

有道則服有字缺二隘吏民缺栗赫赫

皇辟矜哀下民命彼喉舌拜我

明君惟君至真應甫及申缺恩襄負其知如缺漢三缺

字謀謨若神小閣

明府協同斷金西征鄙國撫育犁元除煩省苛公劉

之仁單甫牧英不忍戰民恤彼字缺二戲險登陵槁壞

求正歲歲字缺二津缺滿首字缺七呵逆汜沈深往往覆

康澤 卷第一五 五

沒傷害行人四縣衝衝老弱所湛耿耿寔勞字缺二慙

慙字缺二日稷閔比之艱記吉領道杜沂楊瑗佗花槁

梁帥爾徒毛待事揚字缺三守古荷賊曹掾杜仁至孝

殷懃雖不字缺四出神祇祐助槁遂考缺萌地賴祉子

子孫孫百穀豐穰內外靖安必字缺三我

君高遷取公缺侯福汭後昆萬壽无疆干祿億年

亂曰字缺二戎君明且缺兮徠儀于國字缺三兮吏民河

潤受靈福兮莫不慕化心如結兮字缺十鼎足期不逝

兮

領道字缺八漢嘉楊瑗字字缺二領南部道槁掾軍功卒

史漢嘉杜沂字祖長漢嘉盟掾字缺二荷吏代誦從吏

杜閏荷吏缺省義工王文宰義工字缺二高義工王漢

期義工字缺三義徒漢嘉缺杜缺

時下缺

右蜀都屬國辛李二君造橋碑今在雅州碑首刻

二人冠帶相向而坐一器居中如豆登之狀後有

二人折腰低首雙垂其袖若胡舞者其上橫行有

數字惟府卿明府四字不毀二人之下又橫刻二

十有六字兼篆隸之體曰蜀郡屬國明府潁川陽翟辛君字通遼卿捷為李君字仲魯其下三字不可曉漢碑無如是模式者首行云惟延熹龍在甲辰蓋威宗延熹七年也石損字拙頗難想象其辭初云造此橋末云橋遂考又云橋壞求正又云帥徒屯作橋梁而官屬有領南部道橋掾則知此為造橋碑也其辭云扶携濟舟又云逆流沈深往往覆沒又云四縣衝衝老弱所湛則知此橋跨據川險也其云赫赫皇辟矜哀下民命彼喉舌拜我明

君惟君至德應甫及申者頌辛君也其云西征鄙國撫育犁元除煩省苛公劉之仁者頌李君也中有協同斷金之句則知李為辛之佐也二君遣杜沂楊瑗三四輩董此役起三月甲子以五月甲午竟改奢就儉萌兆賴祉故勒石褒嘆而掾史及義工義徒數人皆題其名于後惟二人稱荷吏而杜仁稱荷賊曹掾所不可解鄰邑雖有荷節或是遣吏助之又不應獨用一字也漢志屬國置都尉一人丞一人又注引應劭云大縣有丞左右尉所謂

命卿三人小縣一丞一尉者命卿二人隸刻有武
 開明碑終於吳郡府丞其子榮碑中書為吳郡府
 卿沈子琚碑有云縣丞捷為王卿諱某字季河据
 史及碑則漢人蓋有稱其丞為卿者此碑不顯題
 辛君為都尉而謂之明府則李君稱卿蓋是屬國
 丞也蜀人謂此為神水閣碑考其文則謀謨若神
 是絕句下文二字其水似小其閣似閣特未能判
 今摘三語而強名之非也
達即達字舟即舟字
 衰即衰字犁即黎字
 廣漢太守沈子琚縣竹江堰碑

熹平五年五月辛酉朔一日辛酉縣十縣南缺川缺

字宮缺黃化出家錢建缺漢世誠明廣被四表南

域墅居蠻夷缺五牋賊缺連缺百姓被缺三丰十月

廣漢太守穎川長墅縣沈君諱缺字子琚縣十令安

定樊君諱缺以四丰三月到官視事到官之初移風

字缺三占世土百姓吏民皆有缺二之缺五弱不安躬

耕者少溉田缺企流諸縣滿灘缺以陂田缺誠道缺五

施以周邵之化疾犯王憲缺意吏民缺君遣缺下缺悉

缺其本息繕作滿灘化開渠口成而山足缺崔缺下

君遣掾下缺鄭施都求掾儀尹便且缺水曹掾王

史下缺刑世章樂功又破截崖足開缺本字缺二民五缺

池字缺四甫田千下缺難龍易水由池中通利便好水

未缺田即到下缺縣廿缺足字缺四消散五稼豐茂缺

民歸附字缺三辭曰聖帝明明缺蘭缺郡字缺二望下缺

川字缺五欲行之兮字缺四以威德兮輔字缺三夏字缺二後

兮下缺時成缺兮缺甚下缺

縣丞捷為屬國王卿諱缺字季河宣陽字缺五水曹史

杜慈字子仁共章字缺三

右廣漢太守沈子琚縣竹江堰碑今在漢州靈帝

熹平五年立沈君字子琚其名不可辨碑載沈君

以熹平三年十月到郡縣竹令樊君以次年三月

到縣雖石多剥缺文句斷續其間指意猶可推尋

盖二人相繼到官俱以移風惠民為意碑稱其視

事之初百姓躬耕者少溉田邱荒有遣都水掾水

曹史等姓名有繕作滿灘之句又有陂田及渠口

之字末云水由池中通利便好五稼豐茂人民歸

附所紀盖水利之事也蜀人謂之縣竹江堰碑姑

因其名云碑以長墅為長社

鄭子真宅舍殘碑

上字缺所居宅舍一區直百萬 故鄭子真地中起舍

一區作錢下缺 故鄭子真舍中起舍一區七萬

故潘盖櫻舍并二區十一下缺 故呂子近櫻一區

五萬 故像櫻舍一區二萬五千 缺 扶母舍一區

萬二千 字缺二 鳳櫻一區三萬 字缺二 車舍一區萬

字缺二 奉櫻一區二萬 字缺二 子信舍一區萬

熹平四年缺 月丁酉朔下缺 桃為後缺 弟缺 郎中下缺 賊

曹下缺 左都字彦和兼掾史下缺 胡恩真道史胡陽缺 文

下缺 文 缺 陳景玄雄等實下缺 千九百八十其二下缺 百舍

宅奴婢財物及臺為下缺 妻無適嗣祖傅婢缺 宜下缺 分

臺祖餘財物所得下缺 未知財事缺 舉缺 為領下缺 姉缺

精魂未滅而有怨下缺 春秋之義五讓為首下缺 兼

右鄭子真宅舍殘碑所存其上十數字餘石碎矣

首云所居宅舍一區直百萬繼云故鄭子真地中

起舍一區七萬凡宅舍十有二區其次有辭語有

歲月云平四年上存四點必熹平也官更有郎中

及賊曹與掾史又有左都字彦和及胡恩胡陽陳
 景等姓名似是官為檢校之文其中有宅舍奴婢
 財物之句其云妻無適嗣又云未知財事其前有
 為後二字則知旋立嬰孺為嗣也其云精魂未臧
 而有怨上有一字從女當是其母則知其親物故
 未久也未云春秋之義五遜為首所以戒其宗姓
 或女兄弟之類息爭窒訟也碑今在蜀中

櫻即樓字

金廣延母徐氏紀產碑

光和元年五月中回金廣延母自傷紀考紕徐氏元

初產亦壽元丰出門託軀金掾季本供

下缺

不並立

朝為縣端首子男恭

缺

字子肅年十八

下缺

收從孫

即廣延立以為後平十八娶婦徐氏弱冠仕

下缺終

歿五内催碎又少入金氏門承清淪之後訾業

缺四

步也一

下缺

地耕殖陝少

缺

脩產業夫婦勤苦積入

成家疆

缺三

止足不

下缺

萬季本平生素以奴婢田

地分與季子雖直各有公域

缺二

下缺

蓄積消滅

責負戒亡

缺三

立依附宗家得以蘓

下缺

及歸故主

三分屋一才得廿一萬六百供竟

下缺

故文進升地

一町直五萬五千家乃墮收責地下缺雖直徑管尉

駿勞來以缺國故缺子耐地一町直下缺令能肯不

缺二又所將缺及所缺如後可服事勤下缺子孫以

其不祭祀習之不缺拘持入門勤苦五十下缺二萬

四千其婦共衣食去留之後悉以歸雖直大婦下缺

卅八萬小婦慈仁供養周厚奉順缺煖不離左右自

下缺曰缺戀衛夫人之去婦之缺二孤無所歸輒為姪

下缺之切下缺不下缺

右金廣延母徐氏紀產碑今在雲安其辭云先和

元年五月中旬金廣延母自傷紀考妣徐氏元初

產永壽元年出門託軀金掾季本自此之後其石

半滅所存者其下段爾徐氏歸于季本有男曰恭

字子肅早終故立從孫廣延為後廣延弱冠而仕

又復不祿碑云廣延年十八娶婦徐氏子肅亦有

年十八字而闕其下文當亦是載其昏聘子肅殘

碑亦有妻字可證徐氏自言少入金氏門夫婦勤

苦積入成家又云季本平生以奴婢田地分與季

子雍直各有企域繼云蓄積消滅債負奔亡依附

宗家得以蘇則雍直似是季本庶孽不肖子分以
 訾產居之于外者徐氏老而廣延死故又析其財
 有雍直徑管及悉以歸雍直之文慮雍直為嫂姪
 之害也故刊刻此石其云大婦小婦則子肅廣延
 之妻也碑稱小婦慈仁供養奉順不離左右則廣
 延夫婦俱孝其云五內摧碎則可見子孝而母慈
 也廣延雖非嫡長而事親久即世新故徐氏舍子
 肅而稱廣延母也此碑字子肅之上有兩字不甚
 明上一字髣髴是恭其下頗類成字但漢人無二

名而金恭有墓闕及殘碑皆云恭字子肅可以證

季本之子字子肅者即金恭也但恭之下多一字

所不可曉

碑以考紀為考妣弱冠為弱冠清滄為清儉催碎為摧碎陝少為狹少表即奔

字町即

都鄉正衛彈碑

缺四

國

字缺六

公

字缺

伯子

字缺二十

呂

字缺十

其

字缺

國

字缺

用民

字缺九

於

字缺十

一

字缺

相扶助卒

字缺

曰

字缺三十

不彊迄

字缺

于中平二年正月

字缺

令

字缺

國寧陵

字缺

君諱脩字

字缺十

四

字缺

中

字缺

以府丞董察

字缺二

撫昆陽承

字缺

亂之餘

字缺

稱聖

字缺

字缺

烈缺有林官凡處缺循缺六軫既到庶缺丐缺二愍

夫繇役之不缺乃缺惟缺三聖之缺二丐有缺呂缺二

字忠於是乎輕賦缺鍛調缺二富結單言府班董科

例收其缺四之目臨時慕頗不煩居民時大守東郡

禾瓌承濟陰華林優郵民隱欽若是由缺五郡校劉

缺為民約缺三丐無窮自是之後黎民用寧吏無荷

擾之煩墅無愁痛之缺二曰民所利斯所謂惠康之

榮缺景均之缺三也政之缺二於是丐成役之艱苦

於是缺二頌曰缺三命猗歟我君敦詩說禮寧德

丐民底缺輕賦帥約孔均繇役呂缺二士不缺六我

好爵聿懷多缺明德惟馨民呂卒缺二耕千耦梵梵

乘稷丐骨缺二永缺不缺五中明慧通缺若五大夫

服厲缺四為缺掌領缺書缺二單錢復不缺吏缺五

若其缺勸道缺有功

時缺二范秩字元睢尉曹掾都缺字漢賓史張芑字

子才有秩定陵杜則字孝缺七守字國寶陳缺四

右韻繩正衛彈碑隸額文十一行頌四行張芑杜

則數人題名二行靈帝中平二年立在汝州昆陽

城中水經魯陽縣有南陽都鄉正衛為碑平氏縣
 有南陽都鄉正衛彈勸碑此則其一也趙氏誤認
 衛為街遂云莫曉其為何碑予初得已翦貼本續
 後始獲全碑考其文則縣令寧陵君承昆陽喪亂
 之餘愍繇役之害結單言府班董科例收其舊直
 臨時募顧不煩居民太守東郡王瓌丞濟陰華林
 優邠民隱為之立約自是之後吏無苛擾之煩野
 無愁痛之聲其大略如此又云因民所利斯所謂
 惠康之策又有輕賦歛及役艱苦之語頌則美其

輕賦均約蓋是紀述守令繇役條教也前書食貨
 志月為更卒已復為正注云更卒謂給郡縣一月
 而更者正卒謂給中都官者衛宏漢官舊儀民年
 二十三為正一歲為衛士一歲為材官習射御騎
 馳戰陣又云民給正衛材官年五十六老衰乃得
 免為民酸棗令劉熊碑云愍念烝民勞苦不均為
 作正彈造設門更此云都鄉正衛彈者與劉君碑

碑以黎為黎荷
 為苛梵梵為芄

芄頗即顧字瓌即
 瓌字野字

舜子巷義井碑

縣邑

字缺二

宮前以宛

缺

記

字缺二

衣

缺

去古

下缺

者

字缺二

弱者

下缺

訾

下缺

鄉

下缺

任然

下缺

丁吉

二缺

字

守府

下缺

如縣記利廣興

缺

中

下缺

記

下缺

百

下缺

光和三丰

缺

月

下缺

縣

下缺

發

下缺

州

下缺

計市馬

下缺

四萬

下缺

亂常

下缺

大

缺

木

字缺三

會

字缺三

百萬

分

下缺

升

下缺

右舜子巷義井碑凡二十三行行三十七字石理
皴剥僅有五十餘字依約可辨其間有光和三

字知為漢碑也其始有縣邑二字蓋是叙述其事
末有四萬及百萬等字則是紀其所費也中有疆
者弱者之文當是疆者捐其財弱者輸其力也据
水經云義井出隨城東南常湧溢而津注冬夏不
異下流與澆水合又南注于瀕則此非穿鑿之井
故工役之費至五十餘萬碑在隨之舜子巷元祐
丁卯年郡守許覺之始徙于後圃識其陰云五大
夫秦爵也秦距今千數百年漢東故物獨此尚存
又刻詩一篇於碑之額云一千二百餘年外萬事

銷磨不可尋舜子井泉誰記古隨人間巷祇知今
 隸書字雜科蟲體民爵名存樂石陰登覽時來醒
 醉目猶勝他物在園林子謂秦人刻石皆用篆許
 君不能詳視碑中光和紀年遂指此為秦碑非也

義井碑陰

五大夫王缺本二萬五大夫段缺本二萬五大夫段
 通本二萬五大夫段缺本二萬五大夫魏忠本二萬
 五大夫蔡缺本二萬五大夫魏加本二萬五大夫呂
 石本二萬五大夫黃海本二萬五大夫段宮本二萬

五大夫缺任本二萬五大夫段缺本二萬五大夫段
 方本二萬五大夫段錫本二萬五大夫缺萬本二萬
 五大夫陳缺本二萬五大夫缺本二萬五大夫缺
 禮本二萬五大夫缺本二萬五大夫耿缺本二萬
 五大缺本二萬五大缺本二萬五大缺本萬
 五大缺本萬五大缺本萬五大缺萬五大缺
 字萬五大缺千五大缺千五大缺千缺一五
 下缺分子缺萬分子下分子下分子下分
 子下分子下分子下分子下分子下分子下分

本萬分子潘缺本萬分子缺安本萬分子缺本萬

缺二周閑本萬分子缺二本三千分子缺二本三千

分子缺四字千分子缺四字千分子缺三字三千分子缺容

本三千分子缺林本三千分子缺南本三千分子缺

將本三千缺子季宜本三千分子缺二本三千分子

樂缺本三千缺二人分子黃國本三千分子孫景本三

千分子竇詡本三千分子康祥本三千分子賈方本

三千分子黃遷本三千分子王潤本三千分子缺與

本三千分子缺二字本三千分子蘇尚本三千分子張

栗本三千分子張缺本三千分子缺三字本三千分子

周謂本三千分子周季本三千分子缺能本三千分

子張宣本三千分子缺海本三千缺二人字分子張景

本三千分子張芳本三千分子龔儀本三千分子楊

徹本三千分子唐豪本三千分子孟戊本三千分子

馬相本三千分子唐缺本三千分子許臺本三千分

子蔡泯本三千分子王豐本三千分子黃持本三千

分子張雙本三千分子郭昌本三千分子缺二本三

千分子張濟本三千分子謝林本三千分子缺二本

三千缺四本三千缺一人

上缺羽下缺馬及下缺息勿下缺功下缺千下缺不

下缺門下諸下缺平馬下缺萬五千下缺死備如下缺

自下缺本矣下缺

右義井碑陰稱五大夫者三十一人稱分子者六十人摩滅者數人題名之下又有數十字蓋是紀事之辭殘缺無成文者漢承秦制爵二十級其九爵曰五大夫帝紀安帝永初三年三公以國用不足奏令吏人入錢穀得為關內侯虎賁羽林郎五

大夫緹騎營士又靈帝光和元年初開西邸賣官自關內侯虎賁羽林入錢各有差則知漢末以貲受爵比屋皆然此碑五大夫所以若是之衆也惟分子未詳穀梁曰燕周之分子也注云燕召康公之後分子謂周之別子孫也景北海碑鵠梟不鳴分子還養蓋用家富子壯則出分之語謂惡逆之鳥鉗喙無聲外爨之息歸奉三牲也耿勳碑脩治狹道分子効力謂正丁已供差徭分子亦來助役此碑分子似指土豪出分之子三碑皆與穀梁合

五野合于必部土象由合之子三野皆與隸釋合
 隸釋合之子必部土象由合之子三野皆與隸釋合
 鳥論初無筆中畫之息嗣奉三野也知隸釋前合
 合子未結隸釋曰隸釋之合子也也云隸釋合
 受隸釋之合子也也云隸釋合
 白關內隸釋實隸釋人疑各亦云隸釋合

隸釋卷第十五

又隸釋合味云隸釋合

